


TRUTH CENTERED TRANSFORMATION

MODULE



TUCU JIRI BUK PA LAPWONY

Truth Centered Transformation—Module: Evangelism version 3. Copyright ©2018^{SEP} Reconciled World, Phoenix, Arizona, United States of America. www.reconciledworld.org

This work is made available under the terms of the Creative Commons Attribution–ShareAlike 3.0 license. You are permitted and encouraged to adapt the work, and to copy, distribute, and transmit it under the following conditions:

Attribution – You must attribute the work by including the following statement: Copyright © 2018 Published by Reconciled World (www.reconciledworld.org) under terms of the Creative Commons Attribution–ShareAlike 3.0 license. For more information, see www.creativecommons.org.

Non-Commercial – You may not use this work for commercial purposes.



If you are interested in translating this material, please contact info@tctprogram.org.

All scripture quotations, unless otherwise indicated, are taken from the Holy Bible, New International Version®, NIV®. Copyright ©1973, 1978, 1984, 2011 by Biblica, Inc.TM. Used by permission of Zondervan. All rights reserved worldwide. www.zondervan.com. The “NIV” and “New International Version” are trademarks registered in the United States Patent and Trademark Office by Biblica, Inc.TM.

Lacim

Ma pwod pe icako.....	3
Pwony me 1: Tyen lok me Jiri gonye ningo?	5
Nyutu Wilok: Tuco Jiri Obedo Gin Ango?	5
Pingo tucu jiri obedo gin ma pire tek?	6
Pingo tucu jiri pire tek?	7
Me Dolo ne,	7
Pwony me 2: In Itye Latuc Jiri!	8
Nyutu wii pwony	8
Kilwongo Wan Me Tucu Jiri!	9
Itye Ma Iyube?	9
Kit Me ‘Miyo Lagam’	9
Me Dolo ne	11
Pwony me 3: Jiri ma Opong	12
Nyuti Wi Pwony	12
Caro lok Ikom Lacoc (Matayo 13:3-9, 18-23)	14
Nyang Ikom Kit Ma Tye Ituku: Nyiang Kit Ngom Ki Acel Acel.....	15
Jiri Ma Opong.....	16
Me Dolo ne	17
Pwony me 4: Tic Me Tucu Jiri.....	18
Nyutu wi pwony	18
Tic me tucu jiri pe gik	19
Jami Me “Tic” Ma Pigi Tek I Tucu Jiri.....	19
Jiri Time Lube Ki Cawa Pa Lubanga	21
Me Dolo ne	21
Pwony me 5: Kit Ma Jiri Yubo kede ki Ngom.....	22
Nyutu Wi Pwony	22
Tuku	22
Lega konyo me yubo Poto.....	23
Tic me mar yabo wii dano I kom Kricito	23
Lok Me Ada Konyo Me Yubo Ngom	24
Me Dolo ne	25
Pwony me 6: Niang Ngom Ma Oyube/Tye Atera	27
Nyutu wi pwony	27
Ngom ma pe kiyubo	27
Ngom ma kiyubu/ tye atera	29
Me dolo ne.....	30
Pwony me 7: Tucu jiri coyo kodi ci twii doko kwo.....	31
Nyutu wi pwony.....	31

Coyo Kodi	31
Pwonyo kit me nywako jiri.....	31
Lwongo me jolo Yecu	33
Lubanga Keken Aye Cweyo Kwo Ma Nyen.....	34
Me Dolo ne	35
Pwony me 8: Miyo ne WENG bot Yecu.....	36
Nyutu wii Pwonye	36
Miyo Ne Weng Ite Tela Pa Yecu.	36
Ariya ma gengo wan Jolo Yecu.....	37
WENG ONYO PEKE	38
Jiri Ma Mede Naka Naka.	39
Me Dolo Ne	39
Pwony me 9: Jiri Gwoko Kodi Ma Otwwi.	40
Nyutu Wi Pwony.	40
Bura ma aa ki woko: Doo ki Anyangi.....	40
Lega gwoko Luyeyo	41
Nyig lok pa Lubanga gwoko Luyeyo	42
Tic Me Nyutu Mar Gwoko Luyeyo.....	42
Me Dolo ne	43
Pwony me 10: Tic Me Tucu Jiri Kayo Kac	44
Nyutu wii pwony	44
NYAKO NYIG CWALO KARE	44
Poti Tye Atera pi Kac!.....	44
Yube me cito.	45
Kombedi Dong Wuciti!.....	46
Ngiyo kore.....	47
Me Dolone	47
BUK ME PWONYE PA LUTINO KWAN	48
Coyo Caden Ma Mega	1
Lageng ki Jami tic	2
Lgeng / Ariya ki Jami tic.....	3
Ariya nyo lageng ki jami me tic	4

Ma pwod pe icako

Yube pi pwonyo pwony

1. Kwan buk me pwony maber ka twere tyen ma pol. Ngol te lok ma pi gi tego onyo coo iteng pot karatac me buk pwony wek opoo wii ikom lok ma pi gi tego.
2. Nen **lok ma pi gi tego** pi dul pwony acel acel wek inge ngo ma lutino kwan omyero gungee ikom dul pwony.
3. Kwan **wang Baibul** weng ma tye con ma pwod pe icito kapwony.
4. Neni iyubu **jami** ducu ma mite pi dul pwony acel acel ci inen ni inyayo mapol me apoka bot lutino kwan ki jami pwonye ma lutino romo neno ne anena.
5. Neni ltye ki ngec muromo I kom **tic atima** i dul pwonye acel acel macalo tuku goga, kwayi tuku mukene ma pat pat, ki jami anyuta. Iromo bedo ka temo timo ne ki lupaco ni onyo luremi.
6. Kwany kare i **legi** wek Lubanga oyub lutino kwan. Wek lutino kwan guwiny ngo ma Lubanga mito ni guwiny, ka wek En bene okony in me pwonyo pwony. Wii myero opoo ni obedo teko pa Lubanga keken ma weko aloka loka twero nen I kwo pa dano.

Jami ma pi gi tego pi pwonyo pwony maber.

1. Oo con ci iyub jami pwony ki kabedo kama pwonye obitime I iye.
2. Pe iruu pwony. Mii cawa ma lac pi nywako tam, tic atima ki yweyo. Man pire tek pi miyo cawa bot dano me niang ki dok wek dano weng guwok kacel I kare me pwonye. Wot mot mot I dul pwonye acel acel wek dano weng oniang. Dul pwonye mukene twero cwalo nucu onyo nino acel.
3. Poo wic tere tere. I acaki me dul pwonye acel acel, wek lutino kwan opoo wii gi I kom jami ma kipwonyo angec. Nwoyo jami konyo dano wek wii gii opoo I kom jami ma ki pwonyo.
4. Lub buk pwony pa lapwony ki gin ma icyo pi pwonye.
5. Neni ilubu jami angweni weng I dul pwonye ki acel acel.
 - a. Nyut wii pwonye madit. Tic atima obikubu wii lok madit ki ngo ma gukato ki iye angec.
 - b. Mii ngec manyen. Yoo tye mapol me nywako ngec manyen.
 - c. Mii tic atiya bot lutino kwan I kom ngec ma gunongo. Tic atima konyo gi me niang matut ki me tic kacel, yubu jami manyen onyo tic ki ngec manyen ma gunongo ni iyo mukene.
 - d. Kub ngec eno ni I kom kwo gi-Man aye kare me keto itic ngec pi konyo lutino kwan I kom moko tam atir atir kit me keto ngec ma nyen ma gunongo ni lkwo gi. Pwonye labongo keto ngec I tic pe kelo aloka loka dok bene pe konyo.
6. Poo wii I kom diro me pwonyo jo ma dongo ki diro mukene ma ki pwonyi kwede I kit me miyo pwonye.
 - a. Mii yoo ma atir.
 - b. Mii lapeny ma pol ma miyo kare ki lutino kwan me nywako lagam I yoo ma pat pat. (Lapeny ma lagame pe bedo ni acwako onyo pe acwako).
 - c. Pwooo lutino kwan pi nywako pwonye.
 - d. Pee iwac ki lutino kwan gin ma pi gi kengi giromo pwonyo ne ma ber.
 - e. Med ngec I kom ngo ma lutino kwan dong gi ngeyo ki mii pwoc pi ngec ma gi tye kwede.
7. Mii kare bot lutino kwan me miyo lagam.
8. Cuk cwiny dano weng me nywako pwonye ki miyo tam gi ikom gin ma gitye ka loko ne. Nong yoo maber me cuku cwiny jo ma lworo lok I dye lwak wek gunywak tam gi labongo leyo wigi.
9. Legi idye ceng lung wek Lubanga oyab boti ki bot lutino kwan jami manyen.

Kit me tic ki buk pa lapwony me pwony.

1. **Tam madongo ki Jami pwonye:** Dul pwonye acel acel cake ki wii pwonye man.
 - a. **Tam madongo** – tam mabeco tye mapol iwi dul pwonye acel acel, ento lotino kwan myero oniang maber tam madongo magi inge tum pa dul pwonye acel acel. Lok anywaka ki tic atiya weng omyero omi cwak ikom tam madongo magi wek lutino kwan bene ongee kit ma romo kelo aloka-loka ikwogi. Ber ipenye kekeni ni, ngo ma lutino kwan obiye dok timo inge pwonye man? Kwany kare me poyo wi gi ikom tam madongo kare ki kare me konyo gi poo dok nywako ki tic ki tam eno ni.
 - b. **Jami pwonye** – coo jami ducu ma mite pi pwonye me dul acel acel macalo, jami anyuta, ki karatac me pwonye me apoka bot lutino kwan. Iromo yero me poko buk me pwonye pa lutino kwan bot dano weng onyo yub buk manok ma ki ribe iye I cawa me nywako tam, ka pe ibitiyo ki buk me pwonye pa lutino kwan ci iromo coyo wang baibul ma kiyero ki lapeny malo ikor ot, onyo coo ikaratac matino pi jo ma ki poko gi idul matino, kace pire tek ni buk pwonye pa lutino kwan omyero ki mii bot lutino kwan ki acel acel, ci ki coyo ki coc madongo I pot karatac ma nyutu jami ma mite. Wamiyo tam bene ni be me tic ki karatac ma dongo ma tye ki cal ki kamoo me coc I kor ot ka itye ka pwonyo dano madwong.
2. **Gin ma omyero lapwony olubi ka tye ka pwony:** tye gin aluba ma pire tek me konyi wek pwonye owot maber. Man pe me anywaka ki lutino kwan. Kwan man con wek okonyi me yube ma ber pi doro nywako tam ki gin atima. Lapeny mukene tye ki lagam ma kicoyo I coc ma olenge alenga me konyo lamii pwony I kom lok ma pire tek bot Lutino kwan. Magi aye pe lagam ma beco keken, ento lagam ma beco I kin mukene madwong.
3. **Lubo cawa ikare pwonye:** cawa me pwonye pe ki keto ikit ma pwony man myero owot kwede.
 - a. Cwal cawa ni maber wek dano nyang gin ma itye ka pwonyo ne wek lutino kwan onyang maber. Pire tek bot lapwony me neon ni lutino kwan onyang ginma kit ye ka pwonyo loyo neon ni cawa mamiteni
 - b. Wii opoo me miyo cawa ki lapwony me cako pwonye ki lega, caden ki nywako peki ma tye ka diyogi, ci wulego kacel mapwonye pwod pe ocake.

Buk pwonye pa lutino Kwan

1. Buk enini tye iyie ki Pot karatac me buk pwonye pa lutino Kwan me apoka bot lutino kwan tye gi medo I agiki me buk pa lapwony man. Nyaa mapol ma romo wel lutino Kwan.
 - a. Pwony me 2: Coyo caden na –nyaa ma romo wel lutino kwan
 - b. Pwony me 10: Lageng/ ariya ki cal dul jami me pwonye – nyaa maromo well dano ki dul ma pat pat.

Pwony me 1: Tyen lok me Jiri gonye ningo?

Lok Ma Dito

- Jiri obedo nywako lok me kwena maber pa yeco kricito niwok ki ilok wa ki itic wa.
- Wan weng ki lwongo wa me tucu jiri.

Jami Pwonye Mamite

- Peke

Nyutu Wilok: Tucu Jiri Obedo Gin Ango?

Neno madit pi dul pwonyeman tye ikom tucu jiri. Kong wacak ki tuku ma yot yot.

- Aa malo ka ingeyo ni in latuc jiri. *Neni ikwano wel joo ma ocung.*
- Aa malo ka ingeyo ni in layeyo, onyo lalub koo kricito. *Pol gi, k ape weng obi aa malo.* Neni ikwano wel dano ma ocung malo

Apwoyo. Wutwero bedo piny.

Tye kamaleng ni, idul wa kany, jo mapol tye loyeyo ento joo manok aye lotuc jiri, (Iromo loko lok man ka mite ma lube ki adwogi me lapeny).

Kaw a mede anyim, Kong wakwanyo cawa me tamo ngo ma tucu jiri obedo.

TIC IDUL (dano 3-4)

Pok dano idul maromo 3 nyo 4.

I dakika 5 anyim, yub lok ma cek ma gonyo lok me tucu jiri. Tucu **jiri obedo**.....

WUDWOG CEN

Lok me aluba bot lapwony: *Dul acel acel onywak lagam gi bot lutino kwan, kit ma kinywako kwede, nen lok ma piretek calo, nywako lok pa Lubanga, tucu lok ikom Lubanga, nyo tiyo tic me nyuto mar. Enini konyi me tero wii lutino kwan ityen lok me tucu jiri ma tye pinyi.*

Enoni weng lok ma beco maloko lok marorom. Tyen lok me tucu jiri mayot ma wan weng wabitiyo kwede aye:

TUCU JIRI OBEDO NYWAKO LOK ME KWENA MABER IKOM YECU KRICITO NIWOK KI IKOKWA KI ITICWA.

Lok aluba bot lapwony; *Kwan tyen lok man matek kun icoyo maleng ma ingolo telok ma dito dito ma maloni.*

TIC ATIYA

Waromo mako lok man oyot maber kace wapoko idul 4 ma pat pat:

- 1 – Tucu jiri obedo nywako
- 2 – Lok me kwena maber ikom Yecu Kricito
- 3 – Niwok ki ilok wa
- 4 – ki itic wa.

Lok aluba bot lapwony: *Pok lutino kwan idul 4. Dul me acel bedo nywako, dul me 2 bedo Yecu kricito, dul me adek ki ilokwa, dul me 4 ki iticwa. Ka icimo dul ki acel acel, gin gia malo ki lok ma meggi malongo, ci gidok gibedo piny oyot oyot. Tim man pi tyen manok, cii imed owot oyot oyot, pi yomo cwiny iromo kwano oyot kun igwenyo ma pelube ki kore. Tyek ki nwono tyen lok man kacel ki lokwan.*

Pingo tucu jiri obedo gin ma pire tek?

Kit macalo dong wagonyo tyen lok me tucu jiri ni, wamito nyang pingo tucu jiri obedo gin mapiretek, Pire mono tek? Mite ni omyero ki tuc jiri? Anga ma myero otuc jiri?

Kong waneno kit ma gin acoyo loko kwede ikom tucu jiri.

Kwan Temceo me acel 2:4-6a.

“[Lubanga] **mito ni dano weng olare** dok onge lok ada. Pien tye Lubanga acel ki larii tal acel. Ikin Lubanga ki dano, lacao ma nyinge Yeco kricito, ma omiyo kwone pi laro dano weng.”

Malube ki wang jiri enoni, waneno ni lok me tucu jiri obedo gin ma pire tek, pien Lubanga mito ni dano weng olare!

TIC ATIMA IDUL – DUL 4

Lok aluba bot lapwony: *pok wang jiri me akwano bot dul ki acel acel, ci gunywak lapeny ma lubo kore, ingee dakika 5, gugam lapeny matye pinyi, inge enoni, gunywak lagam mamegi ma lube ki kit ma kicoyo pinyi. Lagam weng ki coo piny itee wang dul nyo jiri ma ki coyo pinyi.*

Ngo ma wang jiri man nyuto ilok ni pingo tucu jiri pire tek?

- **Tic pa lukwena 13:47**

“Man aye lok ma Lubnga ociko ki wan: ‘aketo in me bedo ceng bot lurok, wek okel lare bot lobo weng.’”

(Ki ciko wan me nywako ki DANO WENG!)

- **Marako 16:15**

“Owaco botgi ni, ‘wucit ilobo otuc lok me kwena maber bot gin aketa ducu.’”

(ki Waco botwa ni wuciti, bot dano weng.)

- **Jabuli 105:1**

“Mii pak bot Lubanga, otuc pi nyinge, otit bot lobo weng pi gin ma en otiyo.”

(Wan myero watuc pinyige!)

- **1 Jon 4:11-15**

“Lurema ma amaro, kit macalo Lubanga omaro wa kwede, wan bene myero wama lotwa. Ngat mo ma oneno Lubanga peke, ento ka wamaro lowotwa, nongo Lubanga bedo iwan, ki mar mere bedo ma opong I wan.man aye kit ma wangeyo kwede ni En tye iwan ki wan I En. En omiyo botwa cwiny mere. Wan bene waneno, dok watye caden ni Lubanga ocwalo Wode me Laro lobo weng. Ka ngat ma tucu ni Yecu en wod pa Lubanga, nongo lubanga dong bedo I en, do ken bedo I Lubanga.”

(Maa pa lubanga konyo wan me moko caden ni Yeco en Wod pa Lubanga)

Iwang dul enoni, waneno kama leng ni, myero wa tuci ikinwa, wamok caden ikom lar pa kricito Yeco!

TIC IDUL MALAC

Kwan wang dul ma pinyi:

1. **Jon 3:16** – kany waneno ni Kricito otoo me yubu yoo me wat ikin dano ki En, ento ngo ma dong time bot jo mape olubu Kricito? Wan wamitoni gin man otime ikom lopacowa, luremwa nyo jiraniwa? (*Mii cawa wek dano gutam adwoki pe melubo Kricito tutwale bot jo ma wan wangeyo dok wamaro*)
2. **Jo Roma 10:13-15** (...gin twero yee nining ikom ngat ma pe gin guwinyo pire?...) – kany waneno tye gumma mwonya me CWALO KWENA AMBER. Gin pe twero yeyo ikom lar pa Lubanga kape WATITO BOTGI!

Lwodo ki ikwoni

- Kong itam ni, in kilwongo in me ngeno ni Kricito obedo Lalar niwok ki bot ngat mo ma otucu boti lok pa Lubanga? [lingo]
- Tam man, in dong itye ki gum ki tic atiya me timo meno bot jo mukene? [lingo]

Pingo tucu jiri pire tek?

In iyee ni kilwongo in me titi lok pa Lubanga me lare bot jo mukene? (*Mii cawa me nywako lok bot lukwan.*)

Tam ikom wang jiri ma waloko iyeni. Ki coyo gin bot anga? Bot lotit lok, lopwonye, nyo bot lotuc jiri? Peke! Kicoyo loki bot loyeyo weng! Kicoyo piwan! Ka wa yee ikom Yecu macalo Lalawa, ci ki lwongo wan me nywako lok me kwena maber ikom Yecu niwok ki ilokwa ki iticwa! Ci, ka wayee, Ci ki lwongo wan ni lutuc jiri!

LEGA

Lok me aluba bot lakwan lok: Kwany kare me lega ma pud peya icito anyim wek cwiny maleng olok tamwa me yeeni lok man tye ada , dok ni wan weng ki acel acel kilwongo wan dok kiciko ni omyero wa nywak lok me kwena maber ikom Yecu ki ilokwa.

Me Dolo ne,

Wiwa opoo ikom lok me jiri:

Tuco jiri obedo <u>nywako</u> lok me kwena maber ikom <u>Yecu kricito</u> ni wok ki <u>ilokwa</u> ki <u>iticwa</u>.
--

Tic me tucu jiri obedo pa dano WENG ma yee me Waco bot dano WENG ma pud peke ki yeyo!

Tic me maa ma pire dit en aye me Waco bot dano weng nii Lubanga ma ocweyo polo ki lobo ki jami weng iyeni maro gin dok wanonge pien ocwalo wode Yecu me too piwa I kom yatariya ka dok ocer!

Kit macalo wanyang ni loyeyo WENG ki lwongo gi me tuco Jiri, kong dong wadwoko wiwa cen ikom tic atima ma watimo I acaki me pwonyeni [Poo wi lukwan wel dano ma oyee ni gin lotuc jiri ki dano adii ma oyee ni gin loyeyo]

Kong dok watemo odoco:

- Ka iyee ikom Yecu Kricito ci aa malo? (*Pol pa dano onyo weng obiaa malo.*)
- Ka in ibedo (onyoo myero ibed) latuc Jiri, ci cung acunga[dano weng myero ocung acunga!!]

(*Ocung wek walego*):

Walego lega me pwono lubanga ni dano moo otucu jiri bot in pi "Tic me mar" pa Yecu Kricito wek wan bene watim kumeno bot joo mukene.

Pwony me 2: In Itye Latuc Jiri!

Lok madito

- Wan weng ki lwongo wan me tucu jiri niwok ki ilokwa ki iticwa!
- Latuc jiri myero “Obed ma oyube.”
- Caden me kwowa tye gin tic madit me tucu jiri.
- Pwonyo tito pi caden me kwowa poyo wiwa ilok me kica pa Lubanga ma olaro wan, dok yubo wan me tito bot jo mukene pi Kricito Yecu.

Jami pwonye ma mite

- Buk pwony pa lotino (nonge l agiki pa buk man me pwony pa lapwony) – cono caden me kwona–pok acel bot dano weng
- Cal me anyuta –tuku me nyute
- Caden me kwoni kit ma ibino kwede ilare bot kricito Yecu

Nyutu wii pwony

TIC IDUL MADIT–TUKU

Lok me aluba bot lapwony: Dano 3 ma odyere ki kikopo 1 onyo cupa. Dano aryo ma komgi lit ki acel ma kome yot adada! Pire tek ni imii joo man gunyang tukuni ma nongo pwony peya ocake.

(Dano 2 ma komgi lit ma gitye ka lok)

Latwoo me 1 – *(Tye kipa madwong dok nen kome lit adada)* ayi, koma lit matek. Apeke ki gubu konyoni.

Latwoo me 2 – *(Tye kipa, nen kome lit)* adaa, an bene! Anongo koma lit cawa weng, kono atwero nongo yat me cango na wek abed ma tek dok ma koma yot!

Latwoo me 1 – An bene. Ento apeke ki cawa dong. Omyero adoko idok tic ka atwero.

(Latwo me 1 cito woko /ngat ma kome yot tye ka time calo kome tek, yot matye ki gubu kun donyo ki gin amata l cinge)

Latwoo me 2 – *(ka oneno ngat ma kome lit ci ommote)* apwoyo, an anyang ni in yang onongo komi lit, ento man komi dong yot dok inen matek adada.

Dano ma kome yot – kumeno! Anongo lagam me cango, tye igin amatana ma mwonya ni, ka imato , cii ibicang dok ibedo ma komi tek. In bene imito?

Latwoo me 2 – Adaa, kakare, amito!

(Latwoo me 2 mato gin amato ci nogo cango, pwoyo ngat makome yoti ci dano ma kome yoti aa ki idyebaa.

Latwoo me 1, dwogo bot latwoo me 2, dong ocang ma kome yot dok tek)

Latwoo me 1 – Aaa, ilokeo doo, inen ma komi yot dok ma tek cut!

Latwoo me 2 – *(Omao gin amata)* adaa, acango. Bee madaa me bedo ma komi yot dok ma tek.

Latwoo me 1 – Ageno ni an bene abibedo ma koma yot dok tek inino moo.

Latwoo me 2 – Abilego ni in bene icang dok ibed ma komi yot oyoto. Ayaa, myero aceti. Kit macalo dong atye ki gubu, myero aceti ayub potona. Dong maber!

(Latwoo me 2 aoo, kun woto ki mato gin amata ne ki gubu madwong. Latwoo me 1 oa ma tye kipa mapol, pien kome pud lit.)

- Ngo ma ineno ituku man?
- Apoka apoka ango ma tye ikin dano makome yot ci orwate ki latwoo me 2[ci ocang] ki latwoo me 2 ma ocang ci orwate ki latwoo me 1? *(dano ma kome yot oyee nywako ki Waco lok me cango mamege, latwoo me 2 pe owaco munge me cango bot latwoo me1.)*
- Latwoo me 1 twero cang nining wek odwok ma kome yot doki? *(Time ka inen ngat moo onywako gin amata kwede.)*

Kilwongo Wan Me Tucu Jiri!

Ipwonye wa me acel, wa nongo ni lok pa Lubanga Waco botwa ni, kace wayee ikom Yeco Kricito, nongo watye ki gum dok ki tic me nywako 'lok me kwena maber' ki joo mukene.

Onyoo pud pe yaa ibedo ki kare me tucu atye ni iyee ikom Kricito macalo Rwoti ki Lalari. Wakwanyo kare man me timone niwok ki icungu, kun iwaco nyingi dok ituco ni iyee ikom Yecu Kricito, dok ituco ni itye latuc jiri. An dong acako:

An nyinga _____. Ayee ikom Yeco. An abedo latuc jiri!

Lok me aluba bot lapwony: *Lwong lokwan weng me cungu dok me timo kumeno.*

Ki pak Lubanga! Bed ma cwinyi tek! wii opoo ilok me cike ma wakwano ki 1 Jon 4:15: "ka ngat moo yee ni Yeco obedo wod pa Lubanga, nongo Lubanga bedo ien dok en bedo I Lubanga!" dong walego kun wapenyo Lubanga me bedo iwan wek wabed ki tek cwiny me moko caden pi loke me kwena maber!

Itye Ma Iyube?

Kit macalo dong ingeyo ni in ki lwongo in me bedo latuc jiri, dong itwero penye ni acako tucune nining? Kare mukene inongo ni myero kong iyube, myero ibed ma iyube. Winy lok matye I 1 Peter 3:15b:

"Bed ma iyube kare ducu me miyo lagam bot joo ducu ma penyi pi tyen lok me gen ma itye kwede ikom Yeconi. Tim man ki mwolo dok ki woro..."

- Dul man tito botwa me timo gin angoo? (*Bedo atera me tito bot joo mukene*)
- Tyen loke gonye ningoo ni 'imii tyen lok me bedo ki gen' ikom Yeco..."? (*Tito bot jo mukene pi Yeco, pien en aye ngat ma genwa ocung ikome!*)

Joo mukene ikinwu twero bedo ni lok man onyweno wigi, nyo itamoni ipeke ki rwom me bedo latuc jiri bot joo mukene. Wang dul eni pe owaco ni myero kong ipwonye ka dong itim, owaco mayot ni myero inywaki tyen lok me gen ma itye kwede ikom Yecu, bed ma cwinyi tek, pe mite ni iwot ipwonye moo! Gin ma mite ayeni, inywak lok me kwena maber ikom Yecu Kricito! Yoo tyee mapol me timone.

Yoo acel ma pire dit en ayeni inywak tyen lok me gen ma ityee kwede ikom Yecu Kricito niwok ki I caden me kwoni. Ikare mo acel, in imoko yeyoni ikom Yecu Kricito. Pingo? Ka ingeyo tyen lok ma omiyo itye layeyo, ci nongo dong iyube maber, itwero bedo atera me miyo lagam ento nogo pe ingeyo ni iyube. Kong wakwany cawa me tamo lok me Gen ma watye kwede ikom Yeconi...


Kit Me 'Miyo Lagam'

Nywako kit ma in idoko layeyo kwede ikom Yeco Kricito twero bedo gin ma wayang pud peya itimo, pe balo. Dong ityee ki ngec weng ikom jami ma in ikato ki iye, en enoni aye pwonye ma mite piri! Tic atima mapingi obikonyo in kit me yobo caden me kwoni."

Wek man obed mayot, waromo tamo dul adek kit ma myero inywak kwede ki caden me kwoni.

Wabi tamo lok ikom kwowa idul adek mapat pat.

1. Ngeyo ni imito Yeco me bedo Lalar ikwoni
2. Jolo Yeco me bedo Lalari
3. Bedo lagen matwal ikom Yeco



Lok aluba bot lapwony: Tii ki yoo mamalo ni, nywak kit me kwoni macalo labol. Wot wa agiki ot kwan tung lacuc ci igam lapeny ma I dul me acel, ci iwot I katikati ot ci igam lapeny dul me aryo ma idyere ni, wot doki idok I agiki ot tung lacam wek igam lapeny me dul me adek/. Tyen loke tyeni yoo mayot madano twero tito kikit ma en enongo aloka loka niwok ki I Yeco, kwo macon ki kwo manyen. Tic enoni konyo me nyutu guti me pwony me 3

TIC ATIMA PA NGAT ACEL ACEL (dakika 10)

Man dong cawani, kwany kare me tic ki yoo ma malo ni me cono caden mamegi. Tii ki cawani me gamo lapeny man ma lube ki kwoni, wek omini kare me yube me nywako lok me kwoni bot lokwan lowoti inge dakika ma tye kabino anyim.

Lok me aluba bot lapwony: Mii dakika 10–15 bot ngat acel acel me yubu caden me kwogi, matye I buk kwan pa lutino kwan, wutwero nywako idul ka jo ma gitye ka pwonyogini pe gingeyo kwan ki coc. Ka inen lutino kwan pe gitye agonya me nywako caden me kwogi, kwany kare ileg wek cwiny maleng oyab cwinygi. Poo wigini man tye me yom cwiny pien miyo wapoyowiwa kit ma Lubanga olaro wan kwede. Kipak nying Lubanga!!

Pwonyo kit me timo man obedo yoo maberme bedo atera me timo tic man, pi man kit macalo wagiko ki pwonyewa, wabi pwonyo nywako caden wa bot lowotwa idul matino tino.

TIC ATIMA I DUL MATINO (DAKIKI 15–25)

Ki yub dul matye dano 3-4, cii onywak caden me kwowu malube ki yoo ma maloni.

Lok me aluba bot lapwony: Poo wii lokwan ni, caden me kwogi myero pe obed ma tye matut tutwal, ento kace guneno ni pore ci guwek obed matut wek omii kare bot dano weng me nywako caden me kwogi

NYWAKO IDUL MA LAC

- Obedo nining ka iwinyo caden me kwo pa lawoti?
- In kono inongo obedo nining ki in me nywako caden mamegi bot lowoti? Obedo tek kede, yot me nywako ne?

Wan weng kilwongowa me nywako ada ma Yecu obino me miyo kwo mupong, ki kwo mapetum ma labednaka. Kit ma warwate kwede ki Yecu obedo yoo ma tyer ki teko me nywako Jiri bot joo mukene.

Lok me aluba bot lapwony: *Ka cawa ononge, lwong lutino kwan me nywako caden me kwogi bot lukwan iot kwan ma dit wang ma pwonye otum. Itwero penyo ka tye caden mo ma gudu kwo pa dano dok cuku cwiny wek lukwan weng guwiny. Ka tye, peny ka ngat enoni tye agonya me nywakone.*

Me Dolo ne

Caden me kwoni tye me cuku cwiny ngat mo wek ongeni, kwogi twero loke niwok ki llok me kwena maber pa Yecu Kricito. Bed ma cwinyi tek. Lubanga omiyoni Jami ducu me kwoni wek kitii kwede me yub ma mamege ma beni. Winy lok ma Paulu ocoyo bot Jo Pilipi (2:12-13):

“Pi meno, wun ma amaro, macalo yam wuwinya loka ikare ducu ma onongo pud atye botwu, myero ubed ki winy ma kato kare konbedi ma dong atye boo kwedwu ni. Utii tic me cobo larwu kenwu kenwu ki lworokacel ki myel kom, pien Lubanga aye ma tye ka tic icwinywu kun miyowu miti ki teko me tic wek wuyom cwinye.”

Lubanga omiyo botwu lare, ma dong omede ki tiyo ne wek niyewu odong, ki Lubanga kikome tiyo I wun! Wi opo, caden me kwoni tye bot En! Kit ma calo jami ducu me kwowa, kit caden me kwowa, romo miyo deyo ikom Lubanga, ki me “cobo mitine mabeni” wamede me pwonye tito caden me kwowa wek obed atera me tic bot Lubanga me tic kwede kit ma En mito, wek wan wabed atera me miyo lagam me gen madit ma watye Kwede ikom Yecu Kricito!

NGINO KWO PA NGAT ACCEL ACCEL

Kwany cawa me tamo nga ma itwero nywako caden me kwoni kwede I cabit enini. Kare mukene imito mede ki nywakone ki lopaconi. Onyo tye dano macok kwedi ma itamo Pire, kwany kare me tamo anga ma myero inywak kwede.

Tam kit ma itwero cako ne kwede. Twero bedo yot ma nongo iwaco ni: Cabit enini ikanica wa wapwonyo kit me nywako caden me kwowa, ci dong omyero wa mede ki pwonyo kit me nywakone, in itwero weko anywako caden me kwona kwedi?

KI LAWOTI

Omake ki aryo aryo, ci inywak nying ngat ma ibinywako cadeni kwede. Leg piwu kekenwu wek Lubanga okonywu me nywako cadenwu ki tek cwiny, kidok wek En oyub cwiny ngat ma in ibinywako cadeni kwedeni.

Pwony me 3: Jiri ma Opong

Lok Ma Dito

- Tucu Jiri obedo yoo ma weko dano:
 - **Nyang ni myero ijol Yecu macalo Rwot gi ki Lalar gi**
 - **Jolo Yecu macalo Rwot gi ki Lalar gi**
 - **Bedo lagen ikom lwongo me bedo lapwony pa Yecu**
- Dul ngom angwen mapatpatni nyutu kit ma dano tye atera kwede me lubo koo Yecu.
- Jiri ma opong kelo adwogi me bedo dano ma bedo lagen ikoo Kricito matwal ento be me loke me yee En keken.

Jami Mamite Pi Pwonye

- Gin anyuta – tuku: latuc Jiri (Yub karatac 5)
- Karatac me cono lagam pa dano (Nen ki “kit kwayi lotuku mapat pat”)
- Odilo (Nyo gin mo ma kibolo piny ka kitye ka yero yoo moni pi “nying dul A”)

Nyuti Wi Pwony

I pwonye mukato, wapwonyo kit me nywako cadenwa.

- Ngat mo obedo ki kare me nywako ki lawote?
- Ngo ma otime ikare ma inywako caden me kwoni?

Lok me aluba bot lapwony –cuk cwiny jo ma ogamoni nywako caden obedo maber. Pi Jo ma pe gunywako, poo wigi ni LUBANGA twero tic ki kero wa ma noki. Lakwena Paul bene owaco I [1 korint 2: 1, 3] ni en etamo ni enywako ki goro ki myel kom!

Leg pi dano weng ma owinyo caden, ni Lubanga otii kwede me kelo nyig mabeco.

I pwony man me adek ni, wa bipwonye me neno pingo nywako lok me kwena maber ikom Yecu niwok ki iticwa ki ilokwa pe maro kelo adwoki mabeco ma wamito nenone ni: Loyeyo me adaa ki lopwonye ma logen. Tin dong alwongo latuc jiri ma ongit wek okony wan kong me pwonye maber...

TIC ATIMA IDUL MALAC – Tuku: Latuc Jiri

Lok me aluba bot lapwony: Ibimito jo mudyere 5 me tuku man. Ma pwony pwod pe ocake, mii tuku man bot jo ma gudyere wek gukwan gunyang iye maber mapud tuku pe ocake. Nen ni lotuku weng tye ikabedo ma opore iot tuku wek tuku otuke maber. Latuc jiri YAKOBO gin ki lapur Petero obibedo ituku madwong I pwonye ma anyim.

Latuc Jiri Yakobo: Amoti, nyinga Latuc jiri Yakobo [Onyo nying ngat ma tye katukuni] Aa ki ikanica ma kilwongoni Cet ici Waci. Amaro tic pi Lubanga, ki tito bot jo mukene pi Yecu Kricito. An atye latuc jiri mucwiny ki ikanica wa ki atye ki labol mapol ma atwero nywakone kwedi!

Ingeyo, cabit mukato anged, abedo ki kare me wot I JIRI, jirani na ma nyinge Mikele nongo tye kakato ci owinyo ka atuco lok pa Lubanga [jiri] nen kit ma mwonya kwede, iye obedo yom mada, en obino anyim cut ka jolo Yecu macalo Rwote. Orwone en obino I kanica ci owaca ni en pe ebedo kanino idye woo pien onongo ipong ki yom cwiny madwong. Ada nen en tye kabino [Mikele a malo cung ci donyo]

Amoti Mikele, iya yom ni in idoko layeyo. Abedo ka paro ka in itwero wot kweda I kanica iceng cabit?

Jirani Mikele: A moti Yakobo, apwoyo me neni, pe angeyo ka atwero bino I kanica wu.

Yakobo: Pe ibino pingo?

Mikele: Ber, ikare ma lopacona gunyang ni amito bedo layeyo, gin pe gubedo kiyom cwiny, gudoko ger, tutwale mamana. Wiye onywene tutwal! En owaco ni kape abedo mot idini me pacowa ki tekwarowa, ci abikelo gum marac bot dano weng ci dano weng deno can. Jiraniwa bene obineno kit ma an pe aworo ki dok lonywala, ci balo nying dok kelo lewic ipacowa. Pe ipaa Yakobo ento lopacona oloko kakare, pe atwero kelo lewic ikom lopocona ki kelo peko man ikomgi. Myero acet to...[Mikele owoto]

Latic jiri Yakobo: Pe atwero yee!! Iye nongo yom tutwal, inge nino manok en onongo dong oloko tame. Tuma dok lamara Maria, ma onogo oloke pi dwe mogo mukato anged, onongo batija dok bene pud tye Lakricitayo. Ento kom bedi madong atamo pire ni, pud dong pe anene ikanica cok coki. Ca gwoki kong doki acinen ka gin mo tye marac. *(En owoto oceto itwok ot mukene kamoto Maria).*

Amoti, Maria! Atye kaneno ni in pe itye kabino I kanica ikom karen. Gin mo tye marac?

Lamara Maria: Apwoyi, Yakobo. Kwo odoko tek dok tic tye mapol kom kare ni—in ingeyo kit ma jamine romo bedo kwede kare mukene. Woda kome obedo lit ki dong onongo mito yat dok bene cwara onongo pudi owilo lela manyen awila, oweko onongo wamito cente madwong me culu banya. Watamo ni ka ayabo ot cat iceng cabit, ci waromo bedo ki gum me nongo cente mapol, ma bene watimo ni!! Man doki watye ki tam me medo duka cat mukene wek watii cente mapol! Eno pe tye me yom cwiny?! Cwinya dong tye mayom pi wel lim madwong madong wabitiyo— kong itam kit gin ango ma wabibedo ka wilone! Nen calo wa bibedo ki kero me wilo piki piki ki gedo ot madwong ki dong wabedo ki jami madwong mapol ata. I ada, iya yom ni iwaco lok kom kanica! Ka onongo itwero Waco ki dano i kanica ni wan dong wacato tong gweno mapud obolo abola iceng cabit, meno nongo dong iyweko pi biacara wa maber! Gin dong romo bino kawilone ki idukawa inge lega iceng cabit! Bene watwero keto gin cat mo matidi I dog cel me kanica!

Latuc jiri Yakobo: Cwinya yom me winyo ne ni wunongo yoo mukene makelo lim icingwu, Maria! Kipak Lubanga! Ento, ka cawa weng itye katic pi nongo lim, ci itamo ni iromo ribe kwedwa doki ka woro ki nywako lok pa Lubanga?

Maria: Be, ki tam ma watye kwede pi dongo biacarani, angeyo ni abibedo ki longe mapol pi kare mo manok. Ceto I kanica onongo twero bedo gin maber, ento kom bedi aneno ni cente aye gin ma dong pud twero kela yom cwiny. Pi meno, omyero adoko I dukan! Cwal mota bot min oti! Kong kumeno. *(En orune odoko cen...)*

Latuc jiri Yakobo: Wulu!! Twon lewic man. En obedo lagen kong I acaki, bino ilega weng; bene otyeko pwonye me kwano nyige pi nongo batija ma bene ki batija en. Kombedi nen calo en peke ki cawa me tamo pi Lubanga dong tamo pi cente keken!

Nino nane tin rac ba. Nen calo pe atye latuc jiri maber kit ma onongo atamo ni! Atamo ni tin pe romo bedo nino maber me temo ceto kalok ki mara wek ojol Rwot ikwone...

Maro: *(Ki igne ot onyo ki iwang ot mawoko ki dwon malongo)* Awinyo lokki, Yakobo!! Meno dok pud itye ka lok ikoma wee? Ngo ma weko itamo ni iromo loko an me doko lakricitayo? Ma bene nen calo pe iromo wa gwoko jo muloke boti!! *(En onyero)*

Latuc jiri Yakobo: *(ogamo yweyo)* Oo, itye kany, Mara. Ada, tucu jiri nen calo pe obedo gin mayot kit ma an atamo ni ba...

Maro: kit ma awaci kwede ni, Yakobo aye ki nyara me nyome kwedi wa bene me doko lakricitayo, ento pe item atema me bita! Ka wun aryoni omito bedo lokricitayo, berni wu. Ingeyo ni an aye ni dini WENG rom dok pwonyo dano me timo gin maber. Pi meno, wek balo cawani me teme ka bita. In myero onongo ibed lapur kit ma onongo awaci ni. Kono onongo itye ki gum madwong (en oceto ma yengo wiye kun Waco ni *“En myero onongo obed lapur...”*)

Latuc Yakobo: *(obedo piny ma iye pe yom)* Nen calo loke ni ada. An pe atwero tiyo ticci maber, en gin mumiyo pe atye ka nongo adwogi maber. *(kun neon malo)* Rwot, ingeyo ni amito ni dano gulare dok gumii kwogi boti. Konya inyuta ngo ma omyero atim wek adwogi me yelena onyak nyige!

Lapur Petero: *(ma tye kakato, oneno Yakobo)* Apwoyo, Yakobo! Ngo matye ka yelo wiya?

Latuc jiri Yakobo: Oo, Petero, larema me amara! Atye ka nyiang ni an pe atye latuc jiri maber. Jiranina omoko tame pe me bedo lakricitayo pi dic me paco ne. Lamara bene dong opong ki miti me tiyo lim keken ma dong pe mito bino I kanica, wa mara bene ngala ka aloko bote pi Yecu kun Waca ni twara onongo abed lapur. Nen calo loke ni tye ada—an pe atye latuc jiri maber wa acel.

Lapur Petero: Meno pe lok ada, Yakobo. Wii opoo ni ma pud peya idoko latuc jiri, ikonya me doko lakricitayo? Aromo waco ni meno adwogi maber!

Yakobo: Pe kumeno, wiya pe ka poo tutwal. Obedo kare malac mukato. Poo wiya ikom gin ma otime.

Petero: Ber, I ada ocake ki omero. En obedo me acel me doko lakricitayo, ma aloka loka ma onen ikome onyutu kit macalo ber kwede me lubo koo Yecu. En owaci pi Yecu, ma oweko idoko lakricitayo cut cut. An onongo awaci ni pe abidoko lakricitayo matwal, (*kun nyero*) ento onongo atye kaneni ci aneno kit ma kwoni oloke kwede. Icako bene konya ipoto na. Wiyi poo imwaka ne? onongo wabedo ki doo ki otwongo maracu! Ibedo kabino nino ducu ka putu doo kweda. Ma onongo watye ka kwanyo anyaii ki iwino anywagi, inywaka kit ma Yecu oloko kede cwinyi.

Dok ikare ma kom min ota obedo lit imwaka ma lubu, min oti okonyo me ceto kede I ot yat. Wa lurem me kanica wu bene gutedo dek botwa! Pe tye ngat mo ki ipacowa ma obedo ki cwiny me kica onyo paro piwa calo in kacel ki jo kanicawu! Waneno kit ma Yecu oloko kede kwoni con onongo wagomo me bedo ki gin enoni. Ikare ma dakona ocang, ilwongo wan me bedo ipaconi ka camo kwon ci itito bot wa gin ma lok pa Lubanga tito ikom Yeco, ki kit ma watwero lare kwede ki ikom balwa. Ci wanyiang ni Yecu mitoni wamar lowotwa. En gin ma omiyo in inyutu botwa kica madwong!

Wangeyo ni enoni aye gin ma wamito, wamoko tamwa me doko Lokricitayo! Wamito onongo Yecu me bedo Rwotwa ki Lalarwa bene. Cut cut, iolo wan me bedo lotino kwan mamegi ipwonye me nywako lok pa Lubanga kama wapwonyo jami mapol ki wanongo maa madit bene. Pien inywako kwoni kweda, ka ijolo wan me pwonye madwong, man dong pe atye ki kec, aloka loka bene dong tye inyoma, dakona bene dong peke ki lworu ni twone ma okatotni oa ki bot jogi, maberne makato weng, abedo ki kare me tito bot lopacona pi Yecu. Wan WENG dong kombedi watye lokricitayo! Kong itam ka onongo pe iwaca pi Yecu!

Yakobo: (*obwonyo*) in aye ibedo dano mukwongo ma atito bote pi Yecu! Abyekoni enoni aye kare ma dong adoko latuc jiri! Meno obedo kare maberne! Ento kombedi, nen calo tute na pe tye ka nyako nyige. Nen calo atye ka timo gin mo marac... ento ngoni?

Petero: (*Kun nyero*) Ber, nen calo kom bedi oo kare na me pwonyi! Angeyoni Maro peke ki miti me doko lakricitayo, ento lokke ACEL tye kakare: myero itam pi pur!

Yakobo: Adace, itamo ni omyero bene adok lapur?

Petero: (*Kun nyero*) Pe kumeno. Atye ka waconi, lok pa Lubanga waconi tic me tucu jiri rom aroma ki pur. Ce gwoki peko ma tye ayeni poti ni pe ki yubu maber... (*Petero gin ki Yakobo guwoto kacel...*)

Caro lok Ikom Lacoc (Matayo 13:3-9, 18-23)

Lok pa Petero tye kakare! Yecu kikome otito carolok ikom lacoo kodi ma oceto kacoyo kodi ipoto. kong wakwano kacel.

Lok me aluba bot lapwony: *wek ngat mo okwan Matayo 13:3-9, 18-23.*

TIC ATIYA PI DUL MATINO (pi dakika10-15)

Idul ma romo dano 3-4, kwan odoco Matayo 13:3-9, 18-23 ka igam lapeny ego ni:

- Kodi cung pi gin ango? (*lok pa Lubanga*)
- Anga ma lacoo kodi? (*loyeyo ki cwiny maleng, onyo latuc jiri James ki itukuni*)
- Ngom ocung pi gin ango? (*cwinywa /tipuwa*)
- Kit kwayi ngom angwen mene ma tye iwang jiri eni? (*ngom matek, ngom ma obedo gweng gweng, okutu ki doo, ngom ma kiyubu maber*)
- Ngo ma time ikom kodi ma opoto ikwayi ngom angwen mapatpat ni? (*ki kwero lok pa Lubanga; lok ad ape odonyo matut; lok me kwena maber otungu; lok me kwena maber pa Yecu kricitu odonyo matut, odongo ci onyako nyige mabeco!*)
- Ngom mene ma onongo ber? (*ngom ma kiyubu maber ni*)
- Ingeyo nining ngom mene maber? (Nen bene Luka 3:8-9, Jon 15:5,8) (*onyako nyig mabeco madwong*)

‘ODWOG CEN – *Mi kare ki dul me nywako lagamgi ikom lapeny ki acel acel.*

Baibul tito botwa maleng ni lubo jYecu loko kwo pa dano! Watwero ngeyo ne ada ni dano moni tye iYecu Kricito ka ocaoko “nyako nyige”. Inge dakika manok, wabineno kit ngat acel acel ma obedo I tukuni me niang pingo jo mukene onyako nyigi ki jo mukene pe gunyako. Kong watuku tuku mo acel me poyo wiwa ikom kwayi ngom angwen mapatpati ni.

TIC ATIYA IDUL MALAC – Tuku : Kwayi Ngom Angwen Mapatpat

Lok me aluba bot lapwony: *Yer tuku acel ki ikin dul tuku aryoni. Iromo yero me gwoko lutuku idul ngom papatpatni me gamo lapeny ma tye anyim.*

Tuku me Acel: dwoko well dano kun itiyo ki odilo

Pok I ot kwan idul angwen. Pok lutino kwan I wel marom idul acel acel. Mii nying ki dul acel acel: Ngom matek, ngom ma obedo gweng gweng, ngom ma obedo okutu okutu, ki ngom maber. Cany odilo (onyo karatac ma ki dolo maber) idul acel. Lwong nying dul. Ngat matye ki odilo omyero obol odilo oyot oyot bot ngat acel ma tye idul ma kilwongo nyinge ni. Labole, ka ilwongo ni “ngom ma gweng gweng” ngat matye ki odilo, bolo bot dul me “ngom ma gweng gweng”. Ka ngat enoni obolo odilo bot dul mapate, ci ngat enoni bedo piny. ka ngat ma tye ki odilo ni obolo bot dul makakare, ento dul enoni pe gugamo odilo, ci ngat acel ki idul eno ni bedo piny. Mede ki tuku ni wang ma odong ngat acel keken.

Ngom matek	Ngom mageng gweng
Ngom ma ki okutu	Ngom maber

Ruu lwongo nying dul aruya wek obed tek botgi, ki me yom cwiny. Ka tuku ne tye ka rii tutwal, ci omede anyim. Tyen lok me tukuni tye pi yomo cwiny ki me mako kit kwayi ngom angwen mapatpat. ☺

Tuku me Aryo: tuku ki cingwa me nyutu jami mapatpat

Wiye wiye pwony kit yoo angwen me tuku k icing, acel me nyutu kwayi ngom mapatpat:

1. *Ngom matek: dong cingi (ribo opany cing kacel) nyo nyon ngom ki tyeni*
2. *Ngom ma gweng gweng: ngino gumi ki cingi ayro weng*
3. *Ngom ma ki okutu: ribo cing (calo cing ma kiribo kalega)*
4. *Ngom maber:il lwet cingo madongo aryoni malo*

Nwo kudoco lanyut me cing angweni wek dano weng onyang maber dok gitwero timo ne mayot. Wek dano weng ocung acunga.lwong nying kwayi ngom ki acel acel (lwongo moni ki acel acel malube ki kit ma gitye kwede). Ka dong kilwongo kit kwayi ngom mapatpat nen ka lutino kwan tye ka timo cingi kakareka lutino kwan pe gutimo cingi kakare, myero gubed piny. Tim wang ma ngat acel keken dong odong. Myero iruu aruya wek obed mammit kit macalo nongo lutino kwan balo kede! ☺

Nyang Ikom Kit Ma Tye Ituku: Nyang Kit Ngom Ki Acel Acel

Ki icaroloki, Tic pa lacoo kodi tum nongo ngom dong onyako nyige mabeco. Kit macalo dong wanyiang maber kit kwayi ngom angwen mapatpati macunng pi kwayi kit mapatpat I tuku ni, kong dong watamo pi kit ki acel acel wek wanen ka tucu jiri dong tye ma onyako nyige mabeco I igi.

Lok aluba bot lapwony: *Coo lagam ikom kit ki acel acel ikaratac wek ki tii kede I pwonye me 8.*

A. Maro

1. *Kit ngom angom ma cung pi Maro? (Macalo ngom matek.pe tye atera me jolo kodi. Kodi petwero donyo iye pien ngome tek.)*
2. *Ngo ma ogengo Maro me winyo jiri me kwena maber? (Yeyo ikom goba; “dini weng rom.”)*

Mede ki tamo matut (coo lagam ci igwok pi pwonye me 7):

- I kabledowu /tekwaro wu, kit kwayi goba ang ma gengo dano lare?
- Kit “winyi” ang ma lamone cwalo me gengo dano winyo lok me kwena maber?

B. Jirani Mikele ma oweko lare pi dic pa lupacone

1. Kit kwayi ngom ang ma cung pi Petero? (*bedo gweng gweng—dongo oyot oyot ento lwite peke*)
2. Pingo en pe omede ki cung me bedo lakricitayo? (*cwinye kong obedo yom ento , ka jami odoko nwang oyilo cinge cut pien onongo lwite peke*)

Mede ki tamone matut (*coo kwayi tam mapatpat ci igwok pi dul pwonye me 7*):

- I kabledowu, kit kwayi gweng (lageng /Tim me tekwaro) ma twero bwolo dano pe me lare?

C. Lamara Maria ma obedo ki long madwong me tiyo lim I cabit

1. Kit kwayi ngom ang ma cung pi Maria? (*Bedo ki okutu ki doo.*)
2. Pingo en pe omede me bedo lakicitayo ma tek? (Para me kwo ki bwola me lonyo otungu yeyoneo. Ocako maber ki bene onongo tye ka dongo oyot oyot I acaki.para oci bwoyo kwoneo. “Niyene otungu” ki bwola ni cente keken aye tye lagam pi pekone...)

Mede ki tamone matut (*coo lagam ci igwok pi dul pwonye me 7*):

- I kabledowu, kit kwayi okutu ki doo (calo, para, dic me paco, ki byek mapol) ma twero gengo dano ki ilare?

D. Lapur Petero

1. Kit kwayi ngom ang ma cung pi Petero (*calo ngom maber.nongo ki yubu maber, tye atera pi kodi.*)
2. Pingo petero ocung ilare? (*doo ki gweng onongo kicoko wek kodi odong matek;ki bedo kalubu kore ki pwonye mapol ma kimiyobote*)

Mede ki tamone matut (*coo lagam igwok pi dul pwonye me 7*):

- Itwero ngeyo nining ni lapur Petero oyee ikom kricito ki adaa? Kwone oloke ki omede ki loko jo mukene! En onyako nyik mabub!!

Jiri Ma Opong

Kit kwayi kit mani ma olego ci oyee Yecu Kricito? (*3 ikom 4*)

3 ikom 4 oye Yecu, ento Petero oyee Yecu ki cwinye weng macalo Rwot me kwone. Wangeyo man pien kwone oloke, ci ocako tucu pi Kricito bot jo mukene.

PE obedo ki nyiang ni imito.	Obedo ki nyiang ni imito.	OJOLO Yecu.	OCUNG DOK OBEDO lagen.
Maro			
Jirani Mikele			
		Lamara Maria	
Lapur Petero			
-----→			
Mupong!!			

Jiri pe bedo mupong ka dano ojolo jolo Yecu keken, ento ka oyee ni Yecu olok kwone, ki tucu pire bot joo mukene. Watwero neno maber ki ikom Petero:

1. Ngom me cwiny Petero onongo tye atera: en onyang ni emito Lalane.
2. Nyig me lok pa Lubanga okelo niyee ikwo pa Petero: en OJOLO Yeco calo Rwote.
3. Kwo pa Petero oloke, en odongo iyeyo ne, ki ocung matwal.

Cwiny maleng oweko tic me jiri ocobe ikwo pa Petero!

Me Dolo ne

Kong wapoo wiwa igin ma wapwonye iye tin:

Jiri obedo gin ma miyo dano me:

- **Nyang** ni gimito Lalar ikwo gi.
- **Jolo** Yecu macalo Rwotgi ki Lalar gi.
- **Bedo lagen** macalo lapwony pa Yecu.

Tye kwayi ngom angwen mapatpat ma nyutu kit ma cwiny dano tye atera kede me bedo loyeyo mada:

1. Ngom matek

- Dano ma pe ki nyang ni gimito Yecu macalo Lalar gi.

2. Ngom ma obedo gweng gweng

- Dano ma tye ki nyang ni gimito Lalar ikwo gi ento pe gijolo Yecu macalo Rwotgi ki Lalar gi.

3. Ngom mabedo ki okutu

- Dano ma nyang ni gi mito Yecu macalo Rwotgi, jolo ento be bedo lagen/ pe cung ilare

4. Ngom maber

- Dano ma nyang ni gi mito Lalar, jolo ikom kwogi, ci cung matek wa l agiki, ki nyako nyige mabub!

Pe dano weng tye atera me moko tamgi me lubo Yecu! Bed ki tek cwiny kun ingeyo ni jiri tero kare: bot jo mukene, twero tero kare malac ma wek onyang ni gimito Yecu macalo Lalargi, jolo ki bedo lagen kun gi cung. Bot jo mukene, twero tero cawa manok. Pe paro kare ma otero, jiri obedo tic ma mito kero wa kacel ki tic pa cwiny maleng. PE OBEDO TICWA me neno awene ma cwiny maleng yubu kede cwiny dano pi lok pa Lubanga. ento OBEDO TICWA me me keto lok pa Lubanga ki nywako ki jo mukene pi Kricito niwok ki ilokwa ki iticwa.

Pwony me 4: Tic Me Tucu Jiri

Lok madongo

- Tucu jiri, calo tic me pur, obedo gin ma pe tum inino acel.
- Gin tic madit ma watiyo kwede ijiri en aye lega, lok ki ticwa.
- Jami tic me jiri bedo ber bot dano mapatpat ikare mapatpat malube ki miti gi.
- Lubanga aye ma moko kare ma dano bino kede ilare, ento pe dano!

Jami me pwonye ma mite

- Odilo (nyo gin mo me tuku kede, nen inyutu wi pwony mapinyi)
- Cal me anyuta – Tuku : jami tic me tucu jiri dul me acel ki me aryo (aryo bot jo mudyere)
- Karatac madongo me coc / kalam madongoni

Nyutu wi pwony

Ipwonye ma okato, wa nyiang ni dano weng pe gi tye atera ikare ki cawa me winyo, jolo lok me kwena maber pa Yecu Kricito. Kit kwayi ngom angwen ni konyo wan me nyiang kit ma cwiny dano moni tye kede: bot jo ma pud **pe gunyiang** ni gimito Lalar ikwogi, dano ma **gunyiang** ni gimito Lalar ikwogi, dano ma tye atera me **jolo** Yecu macalo Rwotgi ki Lalargi, ki dano ma odongo iniye ki ocung me bedo lagen me lubo Yecu ki bedo lapowonye ne.

Idul pwonye eni, wa bi neno kit ma tic me tucu Jiri pe obedo tic ma tum lawang acel, mito “jami tic” mapatpat, ki cobo tice ikwo pa dano ikare ki cawa mapatpat malube ki kit ma Cwing Maleng tye ka tic kede ikwogi. Pe watero byeko kit ma Cwiny Maleng obi tiyo kede ki ikare mene, ento watwero timo ticwa ki lokwa, bedo ka lega pigi ni kit macalo wan dong walimo kica me nilare ni- omyero Cwiny Maleng bene olok kwogi!

TIC ATIMA IDUL MALAC – TUKU

Lok aluba bot lapwony: *Yer dano aboro me ook I apar me bedo I lawalo inyim ot kwan. Ka ot kwan tidi ci tuku ni kibtwero tukune calo ot kwan weng me ka tic ki jo manok keken.*

Olunge dok olunge

Kong waket ni magi aye joma pud petye ma ocung matek me bedo lapwony pa Yecu pe wangeyo ngo ma tye icwinygi- Cwiny maleng keken aye mangedo cwingi!

1. Wa bitiyo ki odilo (*nyo gin mo mayot ma watwero tic kede*) me cung pi kit ma tic me tucu jiri woto kede ni wok ki ilega, ticwa ki lokwa.
2. Wabi bolo odilo kato bot lowotwa kun nongo walwongo kit kwayi ngom mapatpat kit ma wapwonye kede ipwony ma okato kore ki kore: NGOM MATEK – NGOM MABEDO GWENG GWENG – NGOM MA OBEDO KI OKUTU – NGOM MABER! NGOM MATEK –NGOM MA OBEDO GWENG GWENG – NGOM MA KI OKUTU – KI NGOM MABER! etc.
3. Cawa weng ka odilo ki bolo bot ngat ma lubu, wa lwongo kwayi ngom malubu: NGOMMATEK – NGOM MA GWENG GWENG – NGOM MA KI OKUTU –NGOM MABER!
4. Ka inen walwongo ni, “ngom matek!” ngat matye ki odilo ni aa malo ci kato ki ilawala. Dano enoni nongo dong cung pi dano ma kwone oloke ni wok ki ijiri ki dong tye ma ocung matek macalo lapwony pa Yecu Kricito!
5. Ci dok wamede ki bolo odilo (Mede ki tucu jiri). Odilo mede ki wot I lawala, kun dano mede ki kato woko ka walwongo kwayi “ngom maber!” man mede wang ma odong ngat acel keken.
6. Ngat aceli mako odilo icinge wang ma kwayi ngom mapatpat ni kilwongo weng, en cung malo ka inen dano odange ni “NGOM MABER!” me agiki!

Tuku ma yot eni obedo labol mapol ikin dul adaa ma lubu tic me tucu jiri:

1. **Tucu jiri pe tum lawang acel** (*wii opo kit ma odilo obedo ka wire kwede paka ma latuku me agiki oyee lok pa Lubanga*).

2. **Pe wa twero byeko kit kare mene ma Cwiny Maleng**, (wii opo ni I acaki tuku onongo pe wangeyo anga ma obiyee me acel, ariyo, kime agiki), **ento mede labongo olo I lega, lokwa ki ticwa** (odilo omede me wot I lawala) **oweko jo mapol odwogo lopwonye pa Yecu!**
3. **Jo mukene onongo aloka loka ikwo gi me bedo mucwiny I kricito pi cawa manok** (wii opo I ikom dano me acel ma “oyee I Yecu!”) **ento jo mukene otero cawa ki kero madwong wek guyee lok me Jiri** (tam pi dano ma odilo olonge icinge paka obedo me agiki me me bino inyang ikom kica me lare pa Lubnaga). **Lubanga keken aye ma ngeyo awene ma man time ka cobe ikwo pa ngat acel acel!**

TIC IDUL MALAC

- Ngat mo ikinwu obino ilare oyot ikare ma owinyo pi kricito?
- Tye ngat mo ma obino I kricito inge kare ma pol me winyo jiri?

Lok aluba bot lapwony: *Lwong lutino kwan wek gunywak ngec mamegi maceko wa ki boco.*

Kipak Lubanga ni tic me tucu jiri omede wek omini kare me yeyo ikom Lubanga!

Wii opo ni Yecu opwonyo carolok ikom lacoc. Lanebi Icaya oloko lok me pur.

Wakwan kacel ki ibuk pa Icaya 28:23-29.

(Kwan wang dul man nyo peny lutino kwan me kwano ne malongo).

Calo tuku wa ni, wang jiri enini tito lok adek mapire tek ikom tucu Jiri. Calo tic me pur...

1. Tucu jiri pe giki.
2. Tic me tucu jiri mito “jami tic mapo” lega, lok wa ki tic wa.
3. Jiri cobe ikwo pa dano mapatpat ikare mapatpat bene.

Tic me tucu jiri pe gik

Wakwan dok tyeng 23-25 matye I Icaya 28. Nen ki ma tic man mede kwede, pol pa kare aa ki I acel kato I mukene.

- Kit kwayi tic anga ikom pur ma wakwano ki I dul enon ni? *(tongo poto, puru ki lilo ne maber ki coyo kodi ma opore ipoto ma opore bene)*

Macalo kit me pur, tic me jiri pe gik dok tum nino acel.

Macalo kwayi kit mapat pat ma waneno ituku, ipwonye me adek ni (Maro, Mikele, Maria, Petero) weng onongo pe niye gi iwot me bedo lokricitayo ocung ka ma rom. Wii opo ni tute wa me tucu jiri. Konyo jo mukene me diro jo mukene cok I wot me bedo lupwonye pa Yecu ma lugen! Tute wa myero omede!

Jami Me “Tic” Ma Pigi Tek I Tucu Jiri

Winy dok tyeng 26-27. Nen jami me tic mapatpat ma ki tiyo kwede I kwayi tic mapatpat me pur:

- Kit kwayi jami tic anga ma wakwano ki iwang dul eno ni? *(otok, gadi gadi, kidi, odo)*

Macalo pur mito jami tic mapol, tic me bene mito lega, lok wa ki tic wa.

TIC IDUL MALAC – TUKU: Jami Me Tic Me Tucu Jiri Dul Me 1

Lok me aluba bot lapwony: *Lwong latuc jiri Yakobo ki lapur Petero dok me dwogo ka tuku inyim dano. itwero tic ki jo macon ma itiyo kwede I pwonye me adek onyo itwero tic ki joo aryo manyen mukene.*

Latuc jiri Yakobo: Anyiang ni kit lurema weng aye kit kwayi ngom mapat pat, ento ngo ma atwero timo me konyo gin?

Lapur Petero: Ber, yoo maber ma myero icak kwede en aye me koko jami tic weng ma imito me tic kwede ipoto ni. Jami tic mukene tye me yabo poto, mukene me pito kodi, ki mukene me doo. Jami tic konyo in me pur maber ki me cobo peki mogo ma inongo ikare me pur wek cam ocek maber.

Yakobo: Dong, in itamo ni jami tic me Jiri konya nining itic me tucu Jiri? Gin tic me yabo poto ongongo pe konyo me loko tam pa Maro!

Petero: (*"Woto ki nyero*) *Pe kumeno, jami me tic mukene twero konyo ne....*

Guru / koko jami tic ma wamito

Kit macalo wayube kede pi tic me tucu jiri, watiyo ki tam pa lapur Petero ci wacoko jami me tic weng mamite. Wan wangelyo ni watiyo ki tic pa Cwiny Maleng niwok ki lega, lok wa ki tic wa. Wii opo ni myero wabed I lega ka watye ka tiyo tic me tucu jiri!

Lubanga obi tiro lok wa ki tic wa ka wayenyo en ni wok ki I lega wa! Kong watam ikin yoo mapol ata kit ma watwero tic kede ki lokwa ki ticwa I tic me tucu jiri.

TIC IDUL MATINO

Lok me aluba bot lapwony: *Pok dano idul aryo (coo/mon bulu/jo ma oteki nyo dul aryo ma tye ki wel dano marom aroma). ka imito, ci itwero weko man bedo calo pyem ikin dul aryoni: anga ma twero tamo pi gin "tic!" ma twero tic maber*

Idul, kwany dakika 10 me neno kit gin "tic" anga ma lmito me tucu jiri. Gam lapeny magi mapinyi:

- Kit gin anga ma itamo ni myero inge wek ituc jiri?
- Kit gin anga ma myero iwaci ka wek ituc jiri?
- Kit gin anga ma Myero itim ka wek ituc jiri?

ODWOG CEN

Inge dakika apar, yee bot dul aryoni me nywako lagam gi bot lutino kwan. Coo tam gi man piny kit macalo dok I bitiyi kwede I peny mukene ma tye ka bino anyim. Teme me cono tam man ite wii lok madongo adek en ma pinyi:

- "Jami ma mito Lega"
- "Jami ma mito Tic"
- "Jami ma miti Lok"

LOK ME ALWODA

Nen jami ma ki coyo idul adeki.

- Ngat mo otiyo ki "jami tic" eno ni me konyo in me ngeyo Yecu Kricito? Nining?

Lok me aluba bot lapwony: *Lwong lutino kwan me mogo me nywako lok ma megi kit ma ki tiyo kwede ki gin tic me lega, lok ki tic. I twero bene weko lutino kwan nywako ki aryo aryonyo makato ka dong ki dwog me winyo ma nok nok ki bot jo mukene.*

Wa gwoko lagam man wek okony wan I pwonye ma tye ka bino anyim kit ma wa yube kwede me tiyo tic me tucu Jiri I kabedo ma orumu wan!

Jiri Time Lube Ki Cawa Pa Lubanga

Me agiki, kwan doki Icaya 28:28-29. Nge ni tye “kare mupore” pi kac.

- Watwero ngeyo nining ni kare me kac dong oromo? Ni tic me jiri dong opong? (Wii opo ikom lapur Petero? *En onyako ngig mabeco!*)

Kit macalo Lubanga cimo kede ki kare me kac, en bene ma cimo kare mene ma dano omyero obin kede ilare.

Bed ma cwinyi tek! Kare me kac Lubanga ma cimo! Tici ma pire tek en aye me bedo lagen ki mede me tic ki jami tic ma meggi me tucu jiri!

Wii opo diki ikom lok ma Paul ocyo bot j Pilipi (2:12-13):

“Pi meno, wun ma amaro, macalo yam owinyo loka ikare ducu ma onongo pwod atye botwu, myero wubed ki winy ma kato kare kombedi ma dong atye boo kwedwuni. Utii tic me cobo larwu kekwa kekwa ki lworu kacel ki myel kom, pien Lubanga aye ma tye ka tic icwingwu, kun miyowu miti ki teko me tic, wek wun wuyom cwinye.”

Wun dong obedo ka tiyo tic me Jiri, ki Lubanga dong oyubu in me mede ki tic ki jami tic ma ibedo ka tic kede imwaki ma okato anged!

Lok me aluba bot lapwony: *Cung kun ileg ni wabed ma cwinywa tek me nyiang kit ma watye atera kede me tiyo tic me tucu Jiri.*

TIC IDUL MALAC -Tuku: Jami me tic dul me aryo

Latuc jiri Yakbo: An anyiang kit macalo “jami me tic” me jiri ki tiyo kede me nywako lok me kwena maber ikom Yecu, bene ber me ngey ni con onongo kong atiyo ki jami tic magi me tucu Jiri. Atye ka neno ni tye jami mogo ma omyero amede ki tiyo ne wek abed latuc jiri ma ocwiny.

Lapur Petero: Kakare! ki lok maber en aye—calo tic me pur—kit ma in itiyo kede ki jami tic ma meggi, en aye kit ma ingiyo kede me tic kwedgi! An abedo lapur pi mwaki ma lac, ki kit macal apuru kede pi mwaki mapol en aye kit ma adwogo kwede lapur ma tye ki ngec muromo l puru kodi eno ni! Atamo ni man bene bibedo rom aroma bot in. I tic me pur, atye ka pwonyo jami manyen kare ducu. Imwaki mukene nongo pe atiyo ki jami pur mabeco nyo yoo maber, ki enoni omiyo pe anongo kac ma bup. Ento pol pa kare atye ka pwonyo yo manyen me bedo lapur maber. Be igiko ki koo yoo, in bene itye ka pwonye, dong l kat woko l poto! Eno ni icako ma ber!

Yakobo: Apwoyo, Petero. Anonong cwinya tek. Ci dong ngo mukene ma mite? Iwaco l acaki ni poto na petye atera. Onongo itye ka Waco gin ango?

Petero: Poti ni en aye joo ma in itye ka nywako lok pa Lubanga kwedgi ni! Gin mukene en aye me yubo poto, maber...

Me Dolo ne

Poti tye ma orumo wan! kabedo ma orumuwa opong ki ki jo ma pud pe gi tye ki ngec ikom Yecu. Cwiny jo mukene tye atera pi jiri, ki cwiny jo mukene pud tek ma mito tic kikome.

Lega, Lokwa ki Ticwa en aye kit ma wa twero konyo jo mukene me ngeyo En.

LOK ME ALWODA

Kwany kare me lwoto dok inen matut: Tye kit jami tic mo ikin enoni ma itwero temo ne l cabit eni? Twero bedo lega pi ngat mo nyo nyutu mar pa Lubanga. Twero bed nywako caden me kwoni dok odoco.

KI LAWOTI MA TYE INGETI

Ka dong imoko gin ma myer itim, kwan kare me lega idul wek Lubanga konywu ni man ocobe.

Pwony me 5: Kit Ma Jiri Yubo kede ki Ngom

Lok ma dito

- Jami tic me tucu Jiri (lega, lok wa ki tic wa) aye pigi teko!
- Jo ma pud peya guniang ni gimito Lalar ikwogi aye tye calo ngm ma mito ayuba.
- Lega wa, lok wa, ki tic wa konyo me yubu, yabo ki pito “ngom” ma icwiny dano.

Jami tic ma mite

- Cal anyuta – tuku: yubu ngom (Dul aryo bot jo mudyere)
- Karatac me coc (*Ladoo ot obicoyo jami me aluba ki lapeny ma ki bi tiyo kede I kabedo adek ma patpat (nen piny)*)

Nyutu Wi Pwony

I pwonye me angwen, wa pwonye ni tic me tucu jiri obedo tic ma pe tum lawing acel, ki ni jami me tic mapatpat ma ki tiyo kede me jiri ni pol kare tiyo maber. Wii opo ni Lubanga keken aye ma moko kare me larewa. Pe wan. Ticwa aye me tucu jiri ikit kare mo keken matye twolo dok kere.

Kong dok wa nen tyen lok me jiri:

Jiri bedo nywako lok me kwena maber pa Kricito ni wok ki ilok wa ki itic wa.

Wii opo: WAN WENG wabedo lutuc jiri! Wangeyo ni, calo maro ni, wa birwate ki jo mapol ma pud pe ginyang ni gimito Lalar ikwogi.p pwonye eni wabi neno kit macalo tute wa **me lega, lok wa ki tic wa** twero konyo mukene me Nyiang ni gimito Lalar Kricito Yeco!

- Jo adii ma gutimo gin mo icabit man wek ngecgi oyube me tucu Jiri?

Lok me Aluba bot Lapwny: *kwany jo manok me nywako.*

- Itimo gin ango?
- Adwogi ne obedo ni ngo?

Tuku

Lapur Petero owaci tic me tucu jiri rom ki pur. Kong wanen gin ma nongo en tye ka loko ne...

Lok me Aluba bot Lapwny: *Itwero tic ki jo ma kitiyo kwedgi ipwonye me adek ni.*

Latuc jiri Yakobo: In iwaco ni tic me pur mukene aye **yubo poto**, kakare? I tye kawaco ni myero akwiny bur me pito kodi?

Lapur Petero: (Kun nyero). *Pe oyot oyot!* Lapur ma ber kwanyo karene me yubo poto maber! En yabo poto, puru ka gwoko ngom enoni maber! Lapur tongo onyo kwanyo gin ma balo dongo pa kodi calo gweng, doo, nyo gin mo marac ma tye kenyo. En yabo poto niwok ki puru ne ci dong gwoko maber ki moc cam weko cek maber.

Yakobo: yabo, puru ki gwoko ne. An dong anyiang!

- Kit yoo adek mene ma lapur twero yubu ki ngom? (*yabo, puru ki gwoko*)

Tucu jiri niwok ki ilega, tic wa ki lok wa cobo jami adek ni weng!

- **Lega wa ruyu Cwiny Maleng me yabo cwiny dano,**
- **Ticwa me mar konyo yabo wi dano ikom adar pa Kricito, ki**
- **Lok wa konyo me gwoko ki dongo dano ki adaa ma tye ilok pa Lubanga!**

Ticwa me JIRI konyo jo mukene me nyiang ni gimito Yecu!

Lega konyo me yubo Poto

Cwiny maleng keken konyo me kwanyo ariya ma tye I cwiny dano, wek gunyang ni gimito Lalar I kwogi.

Kwan Tito 3:3-7.

- Kit lageng anga ma gengo dan me bedo Lokricitayo?
Lagam mukene twer bedo:
 - *Miti me woro paco gi ki me lubo dini pa kwaro*
 - *Lworo lubanga me goba – gin marac twero time ka gin giye me bedo Lukricitayo*
 - *Gin giye ni gin dong cwiny gi leng ma pe mito Lubanga*
- Anga ma kwanyo? (Cwiny Maleng)

Tam dong ikwoni:

- Kit kwayi lageng anga ma onongo mite ni ki kwanyo wek inyang ni imito Yecu ikwoni?
- In dong inyang nining ni imito Yecu ikwoni? Itamoni ngat mo onongo tye ka lega piri?

Wan waneno maber ki ikwan wa ni Cwiny Maleng weko cwiny dano bed atera me nyiang ni gi mito Lalar.wan wangeyo ni watiyo tic pa cwiny maleng niwok ki ilega!

- Wan mono watye ka lega pi jo ma pud pe gujolo Yecu?
- Wan watye ka lega ni cwing maleng owek gunyang ni gimito Yeco?

TIC IDUL MATINO TINO: Dano Adek Nyo Abic (3-5)

Idul wu ma tino tino ni:

- Yee dan nyo jo mogo ma pud pe gunyang ni gimito Yecu ma imito lega pi gin.
- Kwany kare me lega pi gin matek ma nongo ilwongo NYINGI- ni cwiny maleng myero oyab cwinygi wek gu nyiang ni gimito Lalar

Wan wayee ni lega weko cwiny maleng tiyo I cwiny dano me kwanyo lageng wek gunyang ni gimito Kricito ikom kwogi. Lega ni tye ki teko!

Lok me aluba bot lapwony: wek lutino kwan gubed idul gi ni ka imede ki pwony....

Tic me mar yabo wii dano I kom Kricito

Wii poo ikom kwan ma wakwano ki I Tito? Tyenge angwen waco ni "Ka inen ber ki mar pa Lubanga obino, en olaro wan ... pi kicane." Tic wa me mar, ma en aye medo lok me mar pa Lubanga ikomwa, tiyo kacel ki Lubanga me laro jo mukene! Eni tye ni pien wan watiyo jami ma oporo? Pe kumeno! Tye pi kica pa Lubanga maditi keken. Bedo ki labol maber ki tic wa me mar en aye tiyo me yabo poto pi kica pa Lubanga.

TIC IDUL MALAC

Tam ikom Petero gin ki Yakobo.

- Ngo ma Yakobo otimo me “konyo puru poto” me cwiny Petero?
 - *En onongo tye ki caden me kwone maber*
 - *En okwanyo karene me gedo wat maber ki Petero*
 - *En kacel ki dakone ki lumemba me kanica onyutu mar niwok ki itic gi*
 - *En kacel ki dakone gulego pi Petero*

Tam ikwoni, ma pud peya idoko layeyo, (*Lwong lutino kwan mogo wek gunywak kacel ki lutino kwan.*):

- Ngat mo obedo labol maber pa lakricitayo bot in?
- Ngat mo ogedo wat ki in me konyi wek iwot iyoo me lare?
- Ngat mo onyuti mar niwok ki itic gi wek inyiang ikom mar pa Kricito?

Wan bene watwer timo kit meno!

- **Leg ni** kwoni obed ma nyuto mar pa Kricito bot jo mukene.
- **Wot ilar atir dok iged wat ki lurem ki joo mukene.** – Ngeyo joo mukene weko dano kwanyo lok me goba ma dano tye kede I kom lukricitayo ni. Ka in ingeyo dano moni matut, weko ingeyo jami me goba ma en gwoko I kwone. Kit dic ango nyo tekwaro mubedo nining ma weko gin pe yee ikom Kricito, kit tim ango ma doko kitgi ma weko gin pe donyo ilare ma myero gukwany ki ikom gi. Cak lega ikom jami enoni ka inen dong inyiang iye maber.

- Wan watwero mako larem nyo gedo wat ki dano ma pe layeyo nining?

Lagam mogo tye ni:

- *Bed kacel ki dano*
- *Nyut mara, cit kama dano tye iye*
- *Bed kacel ki jo ma orumu in.*
- *Bed ki cwiny ma paro pi dano me ada*

Bedo ki labol maber macalo layeyo ki bedo ki wat maber ki dano konyo jo mukene me nyiang ni ki maro gin, kelo gene ikin dano, ki kelo kare mabeco ma weko in itwero tiyo adaa pa Kricito ki tucu pire. In I bingeyo jo mukene ki I bedo dano ma oywek I kabedo ma orumu in calo dano ma paro pi ber bedo pa luwote, ki jo ma orumu en. Man miyo deyo bot Lubanga!

TIC IDUL MATINO TINO

Idul ma tino tino:

- Wii opo ikom nying dano acel onyo ariyo ma pud ilego pigi ni.
- In itwero bedo Lakricitayo ma labol bot gi nining ki dong itwero gedo wat maber kwedgi nining? Nywak tam ni!
- Oleg idul ni Lubanga omini tek cwiny ki kare bot lawoti me cito ka keto tam me gedo wat ki dano ma pe layeyo itic!

Lok me aluba bot Lapwony: *Wek lutino kwan gebed idul gi matin tino ni ka imede ki pwony...*

Lok Me Ada Konyo Me Yubo Ngom

Yo mukene me yubo ngom en aye me pwnyo ada. Ka ilego, I nyiang ikom kare me loko adaa ma lubo gin ma gin gi tye kakato ki iye ni. Loko adaa tye rom ki yubo ngom, weko bedo ma okwee maber me jolo kodi me lok pa Lubanag.

Lanyut ma nyutu ni dano moni tye atera me winyo adaa en aye:

- Ka inen dano ocalo bedo agonya me nywako mung me kwogi, kit ma gi tye ka tute kede, jami mabeco ma ikwogi.
- Ka ngat moni nyuto miti gi ikom gin ma in iyee iyeni
- Ka ngat moni ocalo penyo “pingo” in ikwo iyoo mapat

Ka inen jami man otime, kwany kare me yubo dano ni niwok ki iloko adaa!

Yoo mukene ma itwero tic kwede me loko lok adaa en aye:

Miyo Lapeny

- Pingo itamoni lupur (nyo kit tic ma gin gitimo) tek tutwal?
- Watwero ngeyo “gin maber ki gin marac nining?”
- In ingeyo ni omyero pe wabed ki lworu ikom.....?
- Ngo ma in iye ikom ...?

Nywako boko lok

- Nyut pwoc bot Lubanga pi gin acweya, bergi, ki jami mabeco ma orumu wan.
- Wac wang dul ci ilok ikom ada matye ilok pa Lubanga I boko lok wu.
- Nywak kit ma Lubanga tye ka tic kede ikwo ni, (nyomi), ki paco ni.

Mine me lega kacel kwedgi/ pi gin

- Ka mukene onywako dicgi, iromo mine me lega pi gin ci inen kit ma gin gubidok kede iye.

TIC IDUL MA TINO TINO

Idul matino tino ni:

- Tam odoco pi jo mapwod ilego pigi ni.
- Ngat enoni dong onyutu miti ne ikom gin ma in iyee iye ni? Nywak ki dul ma I itye iyeni ka dano ni dong ocalo penyo lapeny nyo nyutu miti I bedo Lakricitayo.
- Kit lapeny anga ma in itwero penyo ki dano ni wek en ocalo tamo gino mo ikom yeyo ma meggi ikom Kricito Yeco?
- In dong itwero nywako lok me adaa iboko lok ma megwu ki dano ni nining?
- Pwonyo timone! Ma wun aryoni, pwony kit boko lok anga ma twero timo ikin in ki ngat ma itye ka lega pireni. Obed me yom cwiny! Wek jo mukene ocuk cwinywu ki yo mukene mapatpat!

Itwero timone: ka cawa onongo, lwong jo mukene me bino ka nyutu ki lukwan kit tuku mamegi bot dano weng.

Wan dong waneno kit ma caden me kwowa ki bedo ki labol mabeco, nyutu Kricito, ki lok adaa kony me yubo dano ma pud pe yee ikom Yeco wek oyub gin me nyiang ni gimito Lalar ikwogi.

Me Dolo ne

Wii opoo ni wan weng, ikare mo acal, nongo warwenyo I bal, ento bed ma cwinyi tek kun icuku cwinyi ki ilok ma tye 1 Petero 2:9-10:

“Ento in irok ma kiyero, ajwaka pa Lubanga, jo maleng, jo me wel pa Lubanga, **wek in dong ipak en ma olwongo in ki icol pinyi I lengo ne ma pire dit ni.** Yam nongo in pe idano ne, ento man dong idano pa; Lubanga, yom nongo pe inongo kica ento man dong inongo kica!”

Wa tiyo tic me tucu jiri wek lok ma watucu ma pire tek ni obed ada bot jo ma pud pe gumoko yeyo gi! Kit lok eno ni winye nining ka i keto nying dano ma ilego pire tini?

Kwan wang dul eno ni dok odoco kun ileyo kama ki coyo ni in ki nying dano eno ni nyo jo mapol ma myero ki leg pi gin. Labole:

“Ento jirani wa jo ma ki yero, ajwaki pa Lubanga, kaka maleng, gin me wel pa Lubanga, wek jiraniwa opak dong nying Rwot ma okwanyo wan ki I col piny ilengo ma pire diti. Con ongo jiraniwa pe obedo dano ento kom bedi dong tye dano pa Lubanga, con onongo jirani wape gulimo kica, ento man dong gulimo kica!”

Pe bedo ber tutwal ka wang dul man kiweko obedo adaa ki tic pa Cwiny Maleng kacel ki tuteni me tucu Jiri!
Amen—wek obed kumeno!

KIT ME KETO NE ITIC IDUL MATINO TINO

Ki acel acel tam i kom pwony enoni, kit gin acel ango ma itwero keto ne ikwo ni I cabit enini. Nywak ki lwak gin ma imoko me timone, ci dong I leg bot Lubanga wek omini kero me tyeko cike ni.

Pwony me 6: Niang Ngom Ma Oyube/Tye Atera

Lok ma dongo

- Jo mukene pe tye atera me jolo Yecu pien cwingi pe giyubo.
- Ka ngat moni pe tye atera, watwero lega pire, bed bote ki labol maber calo lalub Kricito, penyo lapeny, ki tudu wat ikin in ki en wek ikonyo gin me niang bal mamegi ci gubin inyang ni gimited Lalar ikwo gi.
- Ma pwod pe wanywako ki jo mukene, myero wa winy gin maber, bed ma idiyo cwinyi, ka dong ileg Lubanga wek omini lok ma pore me awaca botgi, ki wek gulwong in me nywako kwedgi.

Jami ma mite me tic

- Karatac me coc (*Lapwony myero oco lok me aluba ki lapeny pi gin me aketa itic idul adek ma patpat (nen piny)*)

Nyutu wi pwony

Nyang ni imito Lalar obedo gin ma pire tek wek ngat moni ojol Kricito ki ada. ka dano pe onyang ni gimito Lalar, gitwero nongo ni lok pa kricito mito ento, ento pe gitwero jolo Yecu me cung ilar matwal. Waneno man maber ikom jirani pa Yakobo, Mikele. En owinyo pi Kricito, ento ngat mope kwanyo kare me lega pire, ki lok bene onongo pe kitucu bote, tic me nyuto mar bene onongo pe ki nyutu bote. Tic wa me tucu jiri obedo gin ma pire tek!

Dong watwero ngeyo ne nining ni cwiny dano tye atera pi jiri? Wan watwero ngeyo ne nining ni ngom eno ni tye atera pi jiri? Kong waneno labol ariyo ma I Baibol wek waniang matut.

Ngom ma pe kiyubo

Kong wa kwan lok ikom dako ma onongo pe tye atera/pe kiyubo me jolo jiri pa Yecu Kricoto.

Kwan John 4:1-26.

- Dako ni openyo lapeny ango i tyeng 15? (*Me mato pii me kwo!*)

Kakany dong, pi lutuc jiri nongo ni tic gi dong otum! Gu bedo ki yom cwiny ni dako lacamaria ni mito "pii me kwo." Ento eno ni en aye yo ma tic me tucu jiri gik kede? Kong wanen gin ma Yecu otimo doki.

- Ngo ma Yecu owaco ki dako lacamaria ityenge 16? (*Cit ilwong cwari obin.*)
- Pingo openyo gin man? Pingo Yecu pe orune me Waco ki dako lacamaria me jolo Lalar cut cut?

Yecu nyiang ni dako lacamaria nongo pe tye atera me jolo Yecu ki me waco lega pa Labalo pien en nongo pe ngeyo ni en labalo. Mitine pi pii me kwo onongo tye me kweyo orwo me kom, ento pe me cwiny me nongo kica ki jolo Yecu macalo Lalar ma mege. Bal mamege onong mite ni kitii iye ma pwod pe en ojolo Yecu macala Rwote ki Lalare.

I labol eno ni, dako lacamaria onongo pwod orwate arwata ki Yecu, ento nongo pe obedo ki nyiang ni en imito Yecu macal Rwote ki Lalare. Ngom me cwinye onong mite ni ki yub maber wek en onyang ni emito kica ki Jolo Yecu macalo Rwote ki Lalar mamege!

Lok me aluba bot lapwony: Inge penyo lapeny enoni, wek dano gunywak labol acel nyo aryo mamegi.

- In dong irwate ki dano mo ma opongi ki yom cwiny me jolo Yecu, ento nongo pe onyang matut adada ni en IMITO Lalar ikwo gi?
- In dong irwate ki dano ma tamoni Yecu en aye yoo me donyo I kwo, ento dano ni pwod mede ki wot ikit kwone me bal maconi?
- In itamo ni dano ni ogamo Rwot ki cwinye weng? Pingo nyo pingo ku?

LWOD IKWO PA NGAT ACEL ACEL:

Tam kit ma in ijolo kede ki Rwot ikwo ma megi:

- Ngo ma onongo mite ni inyang ikom in kekeni ki ikom Yecu ma onongo pud pe imoko tam ma megi I adaa me jolo Rwot?

Tam anged ikom kit ma patpat ma tye idul pwonye me aryo:

- In itamoni kit pa Mikele ni onongo rom aroma ki kit pa dako Lacamaria? Pingo nyo pingo ku?

Wii opoo pi ngat ma ilego pire ipwonye ma okato ni:

- Me acel, wii opoo ikom nyinge.
- Ikarema inywako lok me kwena maber pa Yecu bot gi, ngo ma onongo mite ni en onyang ma pwod pe inywako lok me lar pa Kricito bot gi? *(cuk cwinygi me nywako lok man matut)*
 - *Gin mito Lalar*
 - *Gin lubalo*
 - *lubange mukene pe tek ma romo kwanyo bal ma megwa*

NYWAKO LOK IDUL MA TINO TINO (Dul Maromo 3-5)

Lok aluba bot lapwony: Tit pi dul me acel ci iwek dul matino tino ni gunywak lapeny adek ni. Tit bot gi me yubu tuku acel onyo aryo.

Me acel, tam ni dako Lacamaria ni obedo jirani ni! Wii opoo ni jami tic me jiri wa en aye lega, lok wa me adaa ki tic wa me mar. In dong itwero lega ki tic ki mar me donyo ikwo pa dako ni ki jiri pa Kricito nining?

Ka itimo man, bedo me kony ka ineno jami me tic ma wacoyo pire ipwonye me angwen ni wek itam kit ma gin romo konyi kede. Wii opo ni en pe ngeyo ni en labalo dok pe nyiang ni imito Lalar I kwo ma mege!

- In itwero lega pire nining?
- Ngo ma in ibitimo me tutdu wat ki en ki me bedo ki labol maber bote calo dano ma olare?
- Ngo ma ibi mito me winyo? Ngo ma ibi penyo? Ngo ma ibi waco?

Me aryo, kit macalo dong igoyo kwede ki yub mamegini, ti dong kede me yubu tuku! Tam calo gin ma irwate kidako ni ikabedo wu. Wek tuku obed ma irwate kwede ma weko yub ma igoyo ni cobe!

ODWOK CEN – lwong jo manok me nyutu tuku gi bot dano I ot pwonye.

Dong ka wakwano lok man, wanongo ni I rwate ma nonok ki Yecu, en otuki doko atera cut. En omiyo bote lapeny ma cut weko en nyiang ni emito Lalar ikwone. En onyute mar ki iwang it niwok ki twomo pii bot en, kadi bed man onongo gin me kwe lte kwaro pa Lucamaria

Kong waneno kit ma lok man gik kwede – kwan Jon 4:39.

- Ngo ma otime? *(Lucamaria mapol ki iboma guye Yecu pi CADEN pa dako man)*

- Anga ma dong odokolatuc jiri? Dako Lacamaria!
- En tye ka Waco bot jo mukene nining pi Yecu? Waco CADEN ma mege!

Man adaa ma ber tutwal! Dako Lacamaria oyee ikom Yecu, ci cut ocaho tiyo tic me tucu jiri: En otito bot jo mukeke caden ma mege ci gin guye! En tye ka nyako nyig mapol!

- Ngo ma itamoni dok obitime ki ingeye?

Ngom ma kiyubu/ tye atera

Kong wakwano labol pa ngom ma onongo ki yubu maber (cwiny dano) me joloYecu macalo Rwotgi ki Lalar gi!

1. Kwan Tic pa lukwena 10:30-48: Konoleri, dano ma oloke, ki luot ma mamege gujolo Yecu
2. Kwan Tic pa lukwena 8:26-40: Loke pa laco me etiopia

LOK ME ANYWAKA IDUL MA LAC

- Pingo lokwena gucito bot konoleri? La Etiopia? (*Lubanga ma oro gin*)
- Anga ma onongo oyubu gin me winyo lok me kwena ma ber? (*Lubanga nongo dong Oyubu cwiny gi ni wok ki itic pa Cwiny Maleng*)
- In itamoni loyeyo mukene nongo olego pigi? Nyuto bot gi lanen maber? Nyuto bot gi mar? Loko lok adaa ikom Yecu? (*Yee ki nywak lok man*)
- Lukwena kong gupeny lapeny mo ma pwod pe gucako nywako lok me kwena maber. Onyo gunywako cut cut? (*Gu penyo, "pingo I oro an" ki "in inyang ikom gin ma itye ka kwano ne ni?"*)
- Pingo pire onongo tek bot Lukwena me penyo lapeny enoni? (*Gin gungeyo ni ka cwiny dano ni onongo pe ki yubu, ci gitwero kwero lok me kwena maber me jolo Yecu ikwo ma megi.*)

Nen maber: Ikom coo aryo ni weng, yubu ngom onongo otum maber! Konoleri ki laco me Etiopia onongo gi nyiang ni gimito Lalar ikwo gi ci dong Lukwena ki lwongo gin me nywako ne, ci gunywako bene! Nyik lok pa Lubanga kipito, ki jolo maber, ki niye.

Ma pwod pe ya walwongo dano me Jolo Yecu, myero wa ket lok man itam wa:

1. **Winy lok ki bot dano eno ni** – Gin mono ginyiang ni gin lubalo? Gin mono ginyiang ni gimito Lalar ikwo gi? Gin mono ginyiang ni myero ki pwod gi pi bal gi? Gin mono gi nyiang nipe gi twero timo gin mo pigi kengi me loko tekare ma gin gi tye iyeni? Ka lagam tye ni kumeno, ci dong gin gi tye atera me nongo ki jolo lok me kwena maber. Enoni pi gin ma time pire kene, obedo gin ma Cwiny Maleng timo niwok ki itwero ki teko ma mege ki niwok ki itic wa me tucu jiri (Teko ne aye wan!). Ka inywako lok pa Lubanga ki ngat mo, bed ka lega ni Lubanga otii ikwo gi me kelo gi atera me jolo lok me kwena maber pa Lubanga.
2. **Bed mot, legi ci ipeny ni ki joli ka nywako lok me kwena maber** – Bed ilega wek Cwiny Maleng oteli. Ka ngat eni dong tye atera, en dong obi joli me nywako kwede. Ikare mukene, itwero penyo ni kilwong in wek inywaki.

TIC ATIMA IDUL MATINO TINO

Idul ma megwu ma tino tino ni, yer jirani ni acel ma ibedo ka lega pire. Nywako lapeny magi:

- Ngo ma itwero timo ne me nyuto mar bot gi?
- Iloko ada nining?
- Awene ma itwero bedo ka lega?

Keti ni kanica mamegi obedo ka tiyo tic me tucu jiri: lega pi gin, nyuto mar bot gi, loko lok ada ikom Yecu Kricito. Ketu dong miti gi tye ka mede me ngeyo matut ikom Yecu:

- Ngo ma nongo gu neno pat ikom in?
- Kit peko ango ma gitwero nywako ne ki in?
- Kit lapeny ango ma gitwero penyo ne?

Tam kit ma itwero gamo lapeny gi ne kwede:

- Tyen lok ango ma itwero miyo ne pi kwo ma meggi macalo layeyo ikom Kricito?
- Kit jami me cuku cwiny ango ma itwero miyone bot gi niwok ki ikwo ni onyo ki iwang Baibul?
- Kit lapeny ango ma IN itwero penyone me nyiang ka ADA gin gi tye ki miti pi Lalar? (Tam ikom Lukwena ma gubedo ka penyo Kononeri ki la Etiopia ka gin gunyang ngo ma ki pwonyo, gu kwano nyo kiwaco ki gin).

Kom bedi, ket tuku mo pi jirani ni moo. Nen ni iketo jami adek eni:

1. Gin gunyutu gin moo I kom in ma onen ma pat; tit botgi tyen lok pi apoka poka ma oneni.
2. Gin gunywako peko ma gitye kakato ki iye; mii botgi cuku cwiny ma aa ki I Baibul, onyo wek gungee ni tam ma megini pe tye kakare ento iyo me mar.
3. Gin gupenyi lapeny I kom jolo Yecu; peny gi lapeny me moko ka adaa gin gunyang ni gimito Lalar I kwo gi.

Dwog cen – *Lwong jo manok me nyutu ki nywako tuku gi bot lutino kwan weng.*

- Gin ango ki ikin adek ma malo ni ma itamo ni twero bedo tek?
- Mene ma itye ki tek cwiny iyee?

Unywak ka acel gin ma nen calo timo ne tek.

Wii opoo in, Lubanga tiyo ki kero wa. Ka wa mede ki nywako dok tucu jiri tere tere, doko kit waa!

Me dolo ne

Ka dano pe gunyang maber ni gimito Lalar, nonong pe gitye atera me jolo Yecu! Tic wa me tucu jiri tye me yubu dano me niang wek gubed ki miti me ngeyo adaa ma tye I lok pa Lubanga pi kwo gi.

Timo jami calo, miyo lapeny, winyo, nywako lokme cuku cwiny, loko lok adaa, ki nywako caden me kwo wa, obitiyo kacel ki Cwiny maleng me jolo Yecu I kwo gi. Lega konyo wa me bedo ma wang wa twolo me niang ka dano ni tye ki miti me mede ki winyo lok me kwena ma ber! Ka watye I lega, Cwiny maleng yubu wa me timo gin ma tye kakare, dok nongo wa loko lok ma rwate I cawa ne ki kome. En obitiyo tic me yabo, yubu ki pito kun wok ki I wan!

TIC ATIMA I DUL MA TINO TINO

- Ngo ma itwero timo ne I cabit man me nyutu mar onyo loko lok adaa bot ngat ma ibedo ka lega pire ni?
- Wuleg ariyo ariyo onyo I dul matino tino pi jo ma itye ka tucu jiri bot gi ni.

Pwony me 7: Tucu jiri coyo kodi ci twii doko kwo.

Lok ma dongo

- Ka ngat moo ojolo Yecu ikwo ne ma calo Lalar ne, bedo calo kodi ma tye ka dongo!
- Jolo Yecu ma calo Lalar gi, tyen loka ni miyo kwo Weng I te tela pa Yecu.
- Dog tic me tucu jiri mukene aye me lwongo dano me jolo Yecu ma calo Lalar gi!
- Lubanga keken aye twero kelo Kwo manyen!

Jami ma mite

- Cal – Tuku: coyo kodi
- Karatac me coc ma dongo.
- Marka(Kalam ma dongo)

Nyutu wi pwony.

I pwonye makato, waneno kit ma watwero niang kwede I kom ngom ma kiyubu. Man pire tek me yubu waa pi pwonye malubu ma lok lkom coyo kodi. Wii opoo I kom caro lok pa laco kodi, “Kodi” cung pi lok pa Lubanga – lok me kwena ma ber ma tito anga ma Yecu obedo ki ngo ma en otimo! In dong ingeyo lok me Jiri man. Tin wanywako kama leng ma dano winyo.

Coyo Kodi

TIC ATIMA I DUL MA LAC – Tuku: Coyo Kodi

Lok me aluba bot lapwony: itwero tic ki jo ma con ma ipwonye mukato onyo jo ariyo manyen.

Latuc Jiri Yakobo: kit ma dong aniang kwede kit me yubu ngom ki niang ka dong tye maber, wan dong watye atera me coyo kodi?

Lapur Petero: Eyoo! Coyo kodi obedo kare me gen tutwal bot lapur! Ingeyo ma ber ni me pito kodi omyero ipit I ngom ci ium wiye woko ki ngom. kodi omero ngom oum kome weng. Ci, ka ngom dong pii oony I wiye, nyicu ki moc cam ma ingom weko kodi ma oto DWOGO KWO. Eni ki lwongo ni Roco Yeyu.

Yakobo: Eno ni tango!

Petero: Tye ada kumano! Pe watwero neno roce pa yeyo ki wang wa pien time ki I cwing, ento ka waneno nyig kodi ma tidi otime I kwo pa dano, wamokoni tango dong otine pieni kwo dong odwogo!

Coyo kodi en aye ka wa nywako lok me kwena maber ki ngat mo! Tye ma mwonya tutwal! Pire bene tek ni wanywak lok ma tye atii ki ma tye maleng. Ka pud peya itimo man, tin ibi bedo ki kare me pwonyo timo ne.

Pwonyo kit me nywako jiri.

Nywako jiri cake ki lega, ni Lubanga oyub cwing dano ki dong olok kun nongo wok ki I in.

Lok me aluba bot Lapwony: cung manok ci ilegi onyo wek dano mo olegi wek Lubanga oyub cwing dano me winyo lok me kwena maber ki dok ni omii loka botwa wek watit jiri ki adaa, tek cwiny ki ma pore.

Kombedi, waloko I kom jami adek ma pii gi tego ma omyero wanywak ki jo mukene.

1. Wat ma obale I acaki:

Lok aluba bot lapwony: Lok eni pole kiloko I pwonye me dul me acel kama wacako iye ki lok ikom cwec, kit ma dano obalo kwede ki dul wat adek ma obale macalo adwogi pa dano me bal ikom Lubanga—dano ki Lubanga, dano ki dano, Lubanga ki cwec. Ka itamo ni lutino kwan pe ngeyo lok man ma I Baibul ni maber onyo wigi owilo ki ikom lok man, ci kwany kare man me poyo wigi. Itwero tic ki cal me anyuta ma ki tiyo kede I pwonye me dul me acel. Cal mukwongo aryoni: Kit ma dano obalo kede wat ki cwec, nyo itwero goyo cal ka dong ipeke kede. Nen ngat ma wiye poo ikom gin ma gin cung pire.

ka wanywako man, wamito ni dano onyang ni, labongo Yecu, nongo wapoke ki Lubanga me nongo kwo ma pe tum pi bale pa wat ma BAL aye okello. Wan dong wadong ikwo me bal, lewic, lworu ki bedo ki miti me yubu timwa marac ki mabeco nyo kwe me dini.

Kong wa cung manok wek watem tito lok man wan ki kome.

- Kit bale pa wat angu ma waneno I kabedo ma wakwo iye?
- Dano mono adadeini giniyang ngo ma bal obedo? Watwero weko gin giniany nining kape gingeoyo?
- Kit yoo mukene angu ma bal dong obalo kwede ki kwo pa dano? Me labole, gin temo me yomo cwiny Jok? Gin gitye ki lworu?
- Itamo ni watwero tito lok man me jiri atir nining wek dano ma ikabedo wa gunyang?

2. Yub me konyo dano:

KWENA MABER!! Lubanga oketo yub me konyo dano wek kiyub wat ma obale. En ocwalo wode, Yecu Kricito, Lubanga en kikome wek obed ma calo gitum me agiki me kokowa ki ibal niwok ki itone ikom yataria. En ocee meloyo teko me bal ki wat ma obale ki miyo botwa kwo manyen I En.

MAN lok me kwena maber me jiri pa Yecu Kricito. Wa tye ki kare me yee: wek ki lar wa ki baal waa, omyero wa yer me bedo I te loc pa Rwotwa Yecu Kricito. Omyero wa mii kwo wa weng ducu bote ki wa lub yoo ne, kadi bed man tek.

Itwero tito man iyoo mayot nining?

- Dano ma ikabedo ma orumowa ginyiang maber anga ma Yecu obedo? Watwero tito ne maber nining wek gunyang maber ikom Yecu?
 - Wod pa Lubanga ma okwo labongo bal ci oto labongo bale me culu pi balwa.
- Kit gum angu ma wanongo ka walubo Yecu?
 - Walimo kica ikom balwa
 - Maa pa Lubanga ma pe jenge ikomgin mo
 - Tye pa Lubanga ki tela ne ilobo.
 - Bedo agonya ki ikom lworu ki lewic ki lok ni myero iyom cwiny jogi
 - Twero me bedo ki Lubanga matwal
- Tek pa Lubo Yecu kono tye ni ngo?
 - Myero wa lub dok wawor Lubanga ki kwo wa weng
 - Myero wawek Lubo ko lubanga mukene ci walub EN keken, wawek wot iot jok.
 - Myero wabed agonya me lubo EN kadi bed luremwa, lopacowa ki wadiwa pe gimito.

3. **Caden me kwoni:** Itwero nywako caden me kwoni kit ma ki lari kwede, kit ma wapwonyo kwede I dul pwony me aryo. Ber pa caden me kwoni en aye konyo me nyiang kit ma Lubanga pe weko wan ata kwede ikwo me bal ka wajolo en ikwowa, ento KWO WA ki TIC WA pat pien watye ki kwo manyen I Kricito Yecu! Myero bene watit pi kit ariya mogo ma wayoke kwede pi wot me yeyo wa. Tit kamaleng ni jolo Yecu pe obedo me cito ipolo keken ento tye ni myero kwowa oloke mapat!

Pi pwonye wa ma tini, nywak caden adek ma cego cego:

- Ma pwod pe ya ajolo Yecu I kwo na, [tit lok adaa ma ikwoni ma pwod pe ijolo Yecu ikwo ni].
- Ma dong ajolo Yecui kwo na, [tit kit ma lok enono ni okello kede aloka loka ikwoni].
- Dong aweko timo , [tit kit lagenq acel ma inonqo ikare ma itye ka teme me weke tim eno ni]

Lok me aluba bot lapwony: coo lok magi ikaratac madit iko ot. Peny gi kit ma gu bigamo kwede lok eno ni:

Ber matek! Ka wanywako lok me yeyowa teretere ki lok ma atir, ci doko kitwa!

TIC ATIMA IDUL MATINO TINO (Dano aryo nyo adek)

Idul matino tino, pwonye me nywako jiri ma lube ki yoo adek magi. (Lok ma cego cego aryo nyo adek ikom yoo adek ma kiwaco ni) wek nongo itye ma iyube me nywako ki dano ikin paci.

1. Wat ma obale I acaki (*lok macego cego aryo nyo adek*)
2. Yub pa Lubanga me laro lwakke (*lok ma cego cego aryo nyo adek*)
3. Caden me kwoni (*lok macego cego adek*)

Lok aluba bot lapwony: Neni lok adeki kicoyo dok kimwono kamaleng iot kwan. Cuk cwiny lutino kwan me tic ki lok ma meggi me tyeko tic man.

DWOGO CEN – Lwong latin kwan acel onyo ariyo me nywako jiri gi macek kilutino kwan. (Yoo acel me oo adek).

Ber matek!! Pire tek ki wan me tito jiri wek wa yube me nywako ne ka kare mo onen! Ngene angeya, ka kare ononge, itwero nywako madwong loyo matini. Ento, tic man obikonyi me cike I lok madongo ka itye ka yubu Jiri.

Lwongo me jolo Yecu

Iyo acel enoni, ka ngat mo pe tye ma oyube me miyo kwo ne weng bot Kricito, ci nongo gin pe gubino ki kwo gi weng bot Yecu. Winy lok ma tye I jiri Pa Jon 12:24:

“ada da awaci wu ni, nging bel k ape opoto I ngom, oto, bedo kene; ento ka oto, ci ceko ngige ma pol”

Baibol tito botwa kamaleng. Myero wa nek kit ma con kun wamiyo kwo wa weng bot Kricito onyo nongo pe watye atera me jolo En! Pieni man lok ma pire tek, dano ma pe layeyo omyero onge kit ma lubu Yecu tek kwede:

1. **Nge ni Yecu en aye LALAR**, – En keken aye lari.
2. **Jol Yecu Kricito calo Rwot** – Mino kwo ni weng ite locce kun ilubo dok igeno yoo ne piri.
3. **Nguti** – Bed ki yeyo me weko jami weng ma pe yomo cwinye. En obinyutu miti ne boti ka nonogno itye ka dongo I wat ki en.

Nwoo lok adek man kacel ki an: **LALAR! RWOT! NGUT!**

Lok aluba bot lapwony: Nwoo man tyen ma pol. Pok ii ot kwan dul ariyo. Wek dul me acel owaci ci dok dul me ariyo owac lacen, kun ginwoyo tyen mapol. Onyo guwac laling, ci gucak medo dwon gi matek, matek, dok matek!

Pi ngat mo me jolo Yecu ma calo Rwote ki lalar ne omyero otim jami adek magi weng.

NYWAKO I DUL MA LAC

Kombedi, idul wu matino, keti ngat ma ibedo ka lega pire openyini ikongi me jolo Yecu ikwone. Pwony ki me penyo ne:

- In iye ni Yesu aye **Lalar** – Ngat acel keken ma twerolari ki ibali?
- Itye atera ni Yecu aye obed **Rwot** me kwo ni **weng**?
- Ibi **ngut** ikom bali? Dong in ingeyo gino **kombedi** ma omyero dong iwek tino ne?

Itimo maber! Dong itye atera me JOLO ngat mo ilega me lare! Baibol poyo wii wa ni waye ki cwinywa ka watucu ki dogwa (Jo Roma 10:10, 13). Magi aye lega ma itwero pwonyone wek ibed atera ka ngat mo obino ni imito jolo Yecu I kwone.

“Rwot Yecu, apwoyi pi mici me kwo ma pe tum. Angeyo ni an labalo dok pe atwero weko bala kena. Aye ni imaro an matek, ni itoo dok ice ki ilyel me weko bala, ki willo kabedo pira ipolo. An dong ageno in keken pi kwo ma pe tum ki pi kwanyo bala. Amini kwo na wek dok apeny ni ibed Rwota. Apwoyi pi tima kica ki me weko an abed wodi onyo nyari tin! Amen.”

TIC ATIMA I DUL MA TINO TINO

Me agiki, pwony kit ma itwero LEGA ki layeyo manyen me jolo Yecu! Ket ilega ni pwonye weng ma wa pwonyo tini: kit ma wat obale kwede, to ki cee pa Yecu, ngut, timo kica ki kwo ma pe tum!

Wa twero lelo ki Lumalika ma ipolo pi layeyo manyen, kun wangeyo ni con bene ki lelo pi wa! (Luke 15:10)

TIC I DUL MA DIT

WER DOK IPAK LUBANGA ki wer me pak pi gin ma en obitiyo niwok ki I in ikabeddo ni!!

KETO NE IKWO NI – NYWAK KI LAWOTI

Bed ki yub me nywako kacel I ngat acel onyo ariyo kit ma itwero nywako kede lok me jiri ki kit ma itwero nywako kwede caden me kwo ni. Nywako lok man kare weng woko doko yot me timo ne ki ngat ma pwod mito donyo iyeyo. Mok dong kombedi anga ma itwero nywako ne kwede. Yub cawa me nywako ne me acel wek ma icito ni nongo dong itye ki tic atima!

Nywak yub ma meggi ki lawoti ci uleg pi wu.

Lubanga Keken Aye Cweyo Kwo Ma Nyen.

Baibol moko kamaleng ni jo ma giye gitye ki kwo manyen ki bot Lubanga. EN KEKEN aye twero weko dano mo winyo kwo manyen. Ento, Baibol Waco kamaleng ni tute wa kacel ki Cwiny Maleng kelo kwo manyen bot jo ma pe yee! Baibol Waco ni wan “Watiyo ka cel ki Kricito!” winy lok man ma Paulo ocoyo bot jo Korinti.

Lok me aluba bot lapwony: Mogo nonogo imito kwano ki I Korinti me 1 3:5-9, kun nonongo iketo nying lutino kwan mogo me kaka Apollo and Paulo. Me labiole, “Julius mono en anga? Evelyn mono en anga? Wan aye lutic ma miyo wuye I Kricito.....” Nen me timo man tyen ma pol kun nonong ilwongo nying jo ma pat pat. Kwan Korinti me 1 3:5-9.

Walegu kacel macalo dul wek Lubanga ogwok wa me bedo jo ma luwiny ilwongo ma mege me bedo lutuc Jiri, kun wii wa bedo ka poo ni wan watiyo tic man pieni Lubanga ki kica ne madwongi olarowa.

Me Dolo ne

Ka “wacoyo kodi” ni wok ki inywako lok me kwena maber pa Yecu Kricito, nongo watye ka tiyo tic ma kelo kwo manyen me ada! Pire tek ni omyero wa nyiang lok me giri maber kun nongo watwero tito kit ma lubo kor Yecu tek kwede.

Kit ma calo kodi “Doko kwo kede” iyoo ma pe nen ki woko, en Cwiny maleng bene tiyo laling I kwo pa layeyo manyen wek adaa ODOK KWO. Calo lapur ma tye ka kuru kodi ne me twii, TIC WA aye me yubu ngom me cwing dano niwok ki i tic me tucu jiri.

Lubanga keken aye ma romo miyo kwo manyen! Kit gum madit angoni ki kwanwa ma calo lunywak tic kacel ki Kricito!

Pwony me 8: Miyo ne WENG bot Yecu.

Tam madongo

- Me doko lakricitayo mite ni omyero imi kwoni WENG bot Yecu.
- Wan weng wat ye ki lageng me jolo kwena ma ber Yecu.
- Me lubuYecu, omyero wa gen En keken me kaka geno jami kumene.

Jami Me Tic Ma Mite.

- Gin coc madongo.
- Marka (kalam ma dongo me coc)

Nyutu wii Pwonye

Ka walwongo jo mukene me jolo Yecu macalo Lalar gi, omywero watit kama leng botgi ngo ma mite me bedo lakricitayo! Jo mapol gubibedo ki miti pi nonogo pii me kwo calo dako lacamaria ni otimo, ento kare mukene nongo pe gitye ki miti me loko kwo gi matwal! Man pe lokke! Jolo Yecu ma calo Lalarni mito ni omywero iket kwoni weng I te twero ne ma opong ki mar.

Wii poo I kom ngo ma time ka kodi orwate ki pii yako ngom maber? Kodi ma oto doko KWO! Cawa mukene kono, kwena maber pa Yecu Kricito pe “Twii”; jo mukene mito yee “nucu nucu” ento pe weng.

Miyo Ne Weng Ite Tela Pa Yecu.

NYWAKO LOK I DUL MA LALAC

Kong wawinyo ododo ma doki kom la tuc jiri mo I lobo Acia.

The Young Cambodian

Ikare mo onongo tye latuc jiri mo I lobo Cambodia. Obedo ka nywako ki awobi mo ci awobi ni lewic omako ma onongo ni en itye labal ma en ebicito kaping ma calo adwogi pa bale. Ento ikare ma en otamo ni omyero I wek kwo ne macon wek imi kwo ne bot Yecu, en pe obedo ki yeyo me miyo kwo ne. Cabit weng en bino bot latuc jiri ni imito bedo Lakricitayo. Latuc jiri dong penyo en ni, in itye atera me weko nenoni, mitini, kun ikwo pi Kricito keken? Itye agonya me me miyo gitum ikeno tye ma gang ento me woro Lubanga keken? Itye agonya me miyo cawa ni me pwonye ikom lok pa Lubanga? Kare ducu end ok cen ma cwinye pe yom pien en onongope tye agonya. Ento, en ebedo ki lworo I lok kompwodme bal ki wang I geena/kaping, ci cabit wen gen dwogo kun penyo lapeny acel enoni, “Tye kit yoo mukene ma atwero bedo kwede lakricitayo?” Latuc jirini gamo ni, “Pe, Omyero I bed Lakricitayo ma opong ci iwek timi me bal weng onyo pe I dok Lakricito matwala.”

- Pingo cwiny awobi man cwinye owang?
- Pingo latuc jiri pe olego kwede me doko lakricitayo?
- Itamo ni latuc jiri otimo maber pe me lega kwede pi doko lakricitayo?

Cut cut latin awobi orwate ki latuc jiri mukene ci owaco ite ni itye ki miti madwong me doko lakricitayo. Latuc jiri me ariyo man cwinye obedo yom- laco man mito doko Lakricitayo!!

- Itamo ni ngo ma obitime I ododo man?
- Itamo ni adwogi ne obibedo gin ango?

Latuc Jiri me ariyoni onywako ki awobiman ni, ngo ma en omyero tim me doko Lakricitoyo aye me lego lega me ngut/tucu bal. Awobiman cwinye obedo yom mada-yoo mukene kara tye! Gin ma omyero otim keken aye Waco lega! Obedo yot tutwal, en otamo tutwal pingo latuc jiri me acel obedo nwang dok tek tutwal ikome.

Owaco lega enoni ci omede ki kwone me bal, cwinye onongo dong yom dok en bene pe paro ni ibicito kaping. Lutuc jiri aryo ni weng pe gumito ki neno Awobi man doki

- Awobi man olare I kare ma otucu/ olego lega man? (Mede ki penyo: Gino moo oloke ki ikom kwo ne?)
 - *KU-EN PE OMINE WENG BOT YECU. Twero bedi owaco lega man ki doge, ento Lubanga neno wa I cwinywa dok ngiyo ka watye ka Waco lega man ki cwinywa weng. Kedi bed kumano, awobi eni otamo ni en dong ilare woko dok pe mite bote me mede ki winyo Lok pa Lubanga mo keken. En oyee yeyo gopa.*

Ariya ma gengo wan Jolo Yecu

Lok kom awobi me Cambodia ni rom ki lok ma tye I Baibol.

Wakwan kon lok kom lalonyo ma tye I Baibol I buk pa Marako 10:17-22.

Lok aluba bot lapwony: *Iromo nyo pe iromo kwano lok kom awobi ma lalonyo ma tye I Marako kun itiyo ki jo ma gudyere ariyo. Wek ngat acel okwan kama Yecu oloko iye kin gat acel okwan ka ma awobi ma lalonyo loko iye. In bed calo ngat ma kwano kama mite me atita (te loke ni: lok ma pe pa ngato moo). Kwan gin ma tye I Baibol, ka dong icoo lapeny bot lutino kwan ma gitye I dul ma tino tino.*

NYWAKO LOK IDUL MA TINO TINO

- Ma laco man ook me acel, en openyo gin ango?
- Laconi mono ber kede rac? Pingo itamo kumano?
- Pingo itamo ni Yecu openye ni ocat lonyo ne weng ci omii cente ne ki lucan?
- Pingo Yecu oweko bed tek tutawal ki laco man me bedo lakricitayo?
- Pingo Yecu oweko en ocito ma pe en odoko lakricitayo?

Lok aluba bot lapwony: *Dano omede ki bedo I dul ma tino tino ni ka imede ki pwony.*

Eni lok ma mit pien i laco man obino ki miti me doko lakricitayo. En Waco ni ilubo cik pa Lubanga 10 ki cwinye weng. Kadi bed kumano, ma en obino bot Yecu, Yecu pe owaco bote cut kit me bedo lalub kore. Yecu ngeyoni laco man pwod tye kipeko: laco man mito ni imede ki kwone kit ma con! En maro cente loyo Lubanga, dok pwod pe tye ma oyube me miyo jami ducu ite tela pa Yecu. I adaa, laco man PWOD PE olubo cik 10 pa Lubanga weng pien cente pwod tye lubanga ne, ma teloke ni pwod oturu cik, “ In pe ibi bedo ki lubanga mukene ma pat ki An” Yecu omiyo bote katala me miyo centene woko , ento en pe oyee, ci oaa labongo loke me bedo lalub kor Yecu.

Yecu pe tye ka pwony kany ni cente rac, pien cente pire kene pe bal. Yecu pet ye ka waconi pe imitolaco man me bedo lalonyo-en pe owero lonyo pa laconi. Cente peke ki peko! peko ma tye ayeni, laconi pe tye atera me weko jami ne weng pi Yecu! Yecu tye kawaco lok ma pire tek kamaleng ni, laconi omiero omii jamine weng ite tela pa Yecu, tutwale jami ma en dong maro loyo: centene! En mito ni laco ma lalonyo ni (ki wan) oyee ni jami weng ma pigi tek ikwone obed lte twero pa Lubanga. Cente aye ariya/lageng I wote me lare!

Wan weng warwate ki ariya ilok me lubo kor Yecu! Kadi bed dong watye ka lubo kore, catan tiyo matek me gengo waa wek pe wagen dok wamii jami weng me kwo wa lte tela pa Yecu.

- Kit ariya ango iwot me lar ma nonge I kin paci wu? lte kwaro wu? *(Tim me tekwaro I ot wu, kit me wii bye, wat ma racu ki tim maracu.....mede ki mukene).*

NYWAKO LOK I DUL MA TINO TINO

- Kit lageng angoma ilwenyo dok iloyo ikare ma idoko Lakricitayo?
- Ngo ma obedo tek tutwal ki boti me miyone bot Kricito onyo me loke ki iye? Pingo?
- Kit ariya/ lageng angoma pwod tye iyoo ni I lok me lare?

Komedi ma dong inyang ikom jami mogo ma tye calo ariya iyoo ni me lare, tye jami kukene ma dok watwero medone ikom megwa man calo “Lageng/ariya” I kabedo ma orumu wa/tekwaro? (Coo lok ma dano guwaco)

TIC I DUL MA TINOTINO (DANO 4)

Dul acel acel gubiyero lageng acel ki ikin ma wacoyo ni. Ket ni mono ngat acel onyo ariyo aa ki I kabedo ma ariya eni tye ma calo lageng ci tye ka penyo kit me loyo ne wek edok lakricitayo. Dano ariyo mukene ma idul enoni gitye Lukricitayo. Otuk me nyutu kit ma ibidok kwede iye wek dano man ojol Yecu ma calo Rwote ki Lalarne.

ODOK CEN IOT KWAN – *Lwong dul acel onyo ariyo wek gunyut tuku gi.*

Ka inen jiri kitucu, dano maro kati ki penyo calo, “Pwod aromo bedo lakricitayo kun no amide ki...?” onyo “Pe atamo ka Lubanga paro k a amede ki....” Ento Yecu kikome owaco kamaleng ni, lubu kore tek, ma obibedo pat pat bot wan weng.

I dul ma megwu ni, leguni omii jami me kwo wu WENG ite tella pa Yecu. Legu ni Cwing maleng omyero otuk cwingwu me loyo lageng moo keken me miyo jamiwu weng ite tela pa kricito. Lego bene ni Cwiny maleng omyero otii me tuku cwing jo ma pe gitye luyeyo bene I kabedo ma itye iyee.

WENG ONYO PEKE

NYWAKO LOK I DUL MA LAC

Kwan Luka14:25-33.

- Wang jiri man pwonyo wa ningo ikom tek me bedo lapwony pa Yecu?
- Ngo ma wang jiri man pwonyo wa ikom ber pa tamo ne matut ikom tek pa bedo Lakricitayo?
- Ma lube ki wang jiri man, pire mono tek nining ni gat mo omyero oninag ikom tek pa lubu Yecu ma pwod peya en omoko tame me doko Lakricitayo?
- Wan mono pol kare wawaco pi tek pa lubo kor Yecu bot dano ma pwod peyaa en omoko tame me doko Lakricitayo? Pingo onyo pe pingo?

Yecu pol kare pe tye agonya me laro lok ki ngat mo keken ikom tek pa lubo kor en. Omyero paka GWENYE moo obed tye- omyero wa gweny keto gen wa ikom jami ma watye kwede ki keto ne ikom Yecu. Me bedo lakricitayo ma ocwiny, omyero WAGEN ni miyo kwo wa WENG bot Yecu en aye yoo MABER- yoo acel KEKEN- me kwo I wat ma atir ki Lubanga. Timo kica ki kwo ma pe tum kiciko pi jo ma giyee ikom En.

Wii omywero opoo ni, GWENYE en aye ka waweko gin mo wek wanong gin mukene. Nen dok odoco ariya ma wacoconi. Jo mukene ikin wu guweko jamini weng wek En obed Rwtogi pi moko yeyo gi I kom yoo ne.

LWODONE IKWONI

- Ngo ma in inongo ki ikom jalo lageng/tic/ yeyo?

Lok aluba bot lapwony: *Mii ki lutino kwan cawa mo manok me tamo ikom lapeny magi. Ci iwot iye ki acel acel kun nongo ipenyo labol mogo kit ma lubu Yecu miyo gitye agonya ki ii atweya me lageng.*

Cike pa Yecu aye ni miti wa WENG wabi nongo I EN! Twero bedo tek me jalo ariya matye ikwoni, ento ka ijalo ariya magi ci icako cung iwat ma atir ki Lubanga, wa nonongo mar, yomcwiny, kuc ki kwo mapetum! Wacwalo yeyo man woko bot jo ma peye ikom Kricito ki jiraniwa!

Tic ma itwero timone onyo pe: Legi onyo wer wer pwoc bot Lubanga pi Larowa ki I ariya ma ikwo wa!

Jiri Ma Mede Naka Naka.

Ka inen nyig me lok pa Lubanga ki nywako, ki dong teke weng kitito pire, ngat ma pe ye ikom Yecu tye agonya me jolo Yecu onyo pe me Jolone. Jo mukene gubibedo ki cwiny me jolo Yecu cut pieni cwiny maleng obedo ka tic I cwingi, ki luyeyo mukene bene gubedo ka tucu Jiri. Jo mukene gubi woto woko labongo jolo Yecu. Ngo ma watwero timone ka gin ma kuman otime?

WAMEDE KI TIC ME TUCU JIRI!!

Tam anged ikom kodi. Ka kodi kipito ento pwod pe otii, lapur dong ilo cinge malo ci cito woko? Ku! En mede ki gwoko kodi ma ingom!

Wan bene watimo kumeno! Ka inen kinywako lok pa Lubanga ki dano mo, ento pwod pe gujolo Yecu, wamede ki tic me tucu Jiri niwok ki I lega, lok wa ki tic wa. Walego ni niwok ki itic pa cwiny maleng ki labol me kwowa madong oloke, jo mukene obineno ni loko kwo wa me lubo Yecu kelo kwo ma opong (Jon 10:10), yomcwiny (Jon 15:11) ki kuc (Jon 14:27).

Me Dolo Ne

Lubo koo Yecu mito ni wayee tela ne weng I YOO ME KWO WA weng. Yecu owaco kama leng ni lubo kore tek. Wan watye ki tic me tito man botgi marom aroma.

Wii opoo ni: Obedo tic pa Cwiny Maleng me tucu cwiny dano me kelo ne I ni ngut ki me yee Yecu me bedo Rwot me kwogi. Ka Cwiny Maleng tye ka tic, TIC WA tye me lega pi kodi me “doko kwo.” Mede wa ki tic ki jami me jiri (macalo, gedo wat, bedo ki labol maber calo layeyo, ki loko lok ada. Medo ki mukene) bene PIRE TEK ADADA ikare eno ni! Watye ki kare nino ducu me nyutu bot jo mukene niwok ki ilega, lok wa ki Tic wa ni jolo Yecu ber ma RWATE KIT EKE!

Ka inen nyig me lok pa aLubanga dong ki pito, wakuro ki gen ki wamedde ki tic me gen ni nyig me lok pa Lubanga obibedo kwo!

Yoo mukene: wagik kun wiwa poo ni Lubanga gene ka waketo genwa ikome ki Jabuli 33:20 - 21

“Gen wa ducu tye ikom Rwot: en lakony wa dok en kwot ma gwokowa. Iyo, abedo ki yomcwiny pi En pien wageno ninge maleng.”

Pwony me 9: Jiri Gwoko Kodi Ma Otwwi

Lok Ma Dito

- Wek luyeyo gudong jo ma lugen ibedo lutic pa YECU, omyero ki gwok gi maber.
- Luyeyo manyen mite ni kigwokgi maber ki ikom lok me bura. Watiyo tic me gwokogi niwok ki lega, tic me nyutu mar ki loko lok ada.

Jami Me Tic Ma Mite

- Cal me anyutaa – tuku: kit me gwokogi ki ibura!
- Karatac me coc

Nyutu Wi Pwony.

TIC IDUL MALAC - TUKU: Gwoko gi ki I bura ma aa ki woko!

Lok aluba bot lapwony: Itwero tic ki joo ma otuku ipwonye me adeki nyo jo ary manyen.

Latuc jiri Yakobo: Dong, ka inen kodi dong ocako dongo, nongo tic dong otum?

Lapur Petero: (kun nyero) Oo, pe kumeno! Tic pa lapur nongo pud pe otum! Kadi ka pud otwii manyen nongo goro ki ikom ayela yela moo keken! Omyero I yubi ki igwok maber! Kong itam ikom kodi manyen calo latin lakere. Mite ni kimedede ki gwokone pien mito kot ki ceng ma oromo wek odong maber dok ma tek. Ka inen pe kigwoko maber, obibedo goro ki pe obinyako nyige mo keken, onyo twero too bene. Walwongo kit tic man ki ipur ni “gwoko kodi” wang ma kare me kac oromo.

Yakobo: Kakare! Kit macalo akonyi me kwanyo anyangi ki ikom anyogi ma magi ni ki kit ma wakwanyo ki doo kwede!

Petero: kakare! Anyangi mukene ki kit two mogo ma mako jami apura twero balo kodi matwal ma pe twero nyako nyig. Ki, ka doo ki kwanyo, romo dwogo ci tungu kodi ma tinotino ne ni. Ka inen igwogo kodi ki ikom anyangi ki doyo doo maleng, kodi obidongo maber dok nyako nyig mabub! I bikayo kac mabub mayomo cwinyi.

Yakobo: (kun bunyo) eno ni aye gin ma wat ye ki gen iye!

Obibedo me mingo bot lapur ka be ogwoko koodi ma en opuru ipoto ne! I yoo acelo, obibedo me mingo me gedo wat, lega, ki nywako lok pa Lubanga, ka ki ingeye iweko layeyo manyen me bedo kene kun pe ki gwoko en ki lok pa Lubanga ma weko en petwero dongo maber, bale ki doo, nyo anyangi ma balo gin. Wii opoo ni ipwony me adek, wapwonye ikom “jiri mupong?” jiri ma opong kelo adwogi pa LUTIC PA LUBANGA MA LUGEN. Tic pa latuc jiri en aye me gwokogi ki mar ma opong ki bot dul kom Kricito wek gudong gudok LUPWONYE PA KRICITO MA LUGEN!

Bura ma aa ki woko: Doo ki Anyangi

Lapur Petero owaco kit kwayi bura mogo ma aa ki woko ma twero balo kadi ma otwii manyen.

- Jami ma kelo bura man aye ngo? (*Doo, anyangi, ki twoo.*)

Baibul tito kamaleng ni, lamonewa catan woto calo labwo me balo niyewa. (Petero me acel 5:8-9). Wan wangeyo ni en obi bolo bura ikom niyee pa jo ma pud guloke aloka ki kit kwayi doo weng, ayangi ki two mapat pat.

TIC IDUL MALAC

Macalo lutino kwan, kong waneno:

- Kit “doo, anyangi, nyo twoo” ma twero bedo tye I kin pacowa onyo ma in ikato ki iye.? “Kodi” enoni twero bedo kit jami am gengo layeyo manyen me bedo layeyo ma lagen. (Wii opo ikom tuku me aceli: Maro, jirani, Mikele ki lamara Maria.)

Lok me aluba bot lapwony: *coo lagam ikaratac malac nyo ikoo ot. Labol me lagam twero bedo: tekwaro ki dic ma paco, lok maraca ki bot lurem, mero madongo, wac kom, lega bot lubange mukene, wot I kabedo ma pe beco bedo ki lurem marac, bal ma ki kano, tam ma ogom, akemo, woro, tim coo coo, para, paro lonyo, dic pa kabedo ma orumuwa ki tim mogo me bwami bwami.*

- Itwero miyo labol mogo kit ma kwayi bura ma maloni twero balo ki yeyo pa ngat ma pwod oloke nyen me mede ki wot me lare? *(ka lapeny man tek, mii labol mo nyo ma romo aryo, ci imii kare ki lutino kwan me kati ki labol mogo ma tye ikin pacowu)*

Labole: *ka layeyo manyen onongo rwate I ceng abic weng ka mato kongo, en pwod twero bedo ki atema tema me cito ka timo kit meno. Bedo tek bot lureme me nyiang pingo en pe bino ka rwate kwedgi.*

Labole: *Bwola mogo me tekwaro myero kilok ki gin manyen. Miyo gitum ki jogi, onyo lodito kwaro pi nongo gum onyo nongo kac mabub myero ki lok ki yeyo maa ki bot Lubanga.*

Wan weng wabi tute me lweny ikom jami ma balo yeyowa, ki Epeco 6:10-13 waco bot wa ni bura weng ma wakato ki iye ni aa ki bot “ker me col piny” weng obedo tic me col piny! Wan watwero gwoko luyeyo manyen nining (ki wan bene) ki ikom bura makit man? NIWOK KI ITIC ME TUCU JIRI!!

Paul ocoyo bot jo Epeco ni myero gu ruk “jami me lweny pa Lubanga,” ma en aye jami me tic me tucu jiri: lega, lok wa ki tic wa!! Tiyo tic me jiri gwokoluyeyo ki ikom bura pa lamone!

Lega gwoko Luyeyo

Lega gwoko luyeyo manyen pien lega ruyu tic pa cwiny maleng. Dong wan dong wabi lego nining? Buk pa Lukolocayo 1:9-12 miyo ki wan labol ma ber loyo kit me lega pi luyeyo manyen.

Kawn Jo kolocayo 1:9-12.

Lok me aluba bot lapwony: *Peny latin kwan mo acel me kwano 1:9-12. Ci peny en doki me kwano ne pi tyen me ariyo, kun nongo iweko lutino kwan Waco ngo ma omyero wa leg pire. Coe lega gi magi I koo ot. Ka lega ma ping kany eni peke ikin meggi, ci med gi ikom meggi ma malo ni.*

- Kwan en ma wakwanoni, titiwa gin ango ma omyero walegi pi luyeyo manyen?
 - ... Gu bed ma opong ki nyeyo mitti pa Lubanga.
 - ... Gu pong ki ryeko ki nyiang
 - ... Gu kwo kwo ma nen myero I wang Lubanga
 - ... Gu nyak nyig ma beco itic ma gitiyo.
 - ... Gu dong I ngeyo Lubanga
 - ... Mini gi teko me ciro ki diyo cwiny.
 - ... Gu pwo Lubanga pi bedo jo ma mege.

Bedo ki wat maber ki luyeyo manyen konyo wa me nyiang kwac gi! Tic pa latuc jiri me bedo ki wat maber ki luyeyo manyen pire tek adada pien konyo en me lega ma lube ki kwac ma meggi.

NYWAKO LOK I DUL MA TINO TINO

- Cawa mene ma walego kede calo Luyeyo?
 - Watye ka lega pi luyeyo manyen?
 - Watye ka jolo luyeyo manyen me bino ka lega I kanica wa ki dok lega kacel ki wan?
- Ngo ma watye ka timo ne calo Kanica me lega pi jo mukene? Mite ni omyero watim ma kato? Nining?
- Anga mukene ma watwero lwongone I cawa me lega wa?

ODWOG CEN – *Dul ma tino tino gunywak lagam gi bot lutino kwan.*

Macalo jo ma tye ipwonye man, wanywako lega kacel kit macalo ki coyo I Kolocayi 1:9-12, ma kicoyo ikaratac malaci.

Nyig lok pa Lubanga gwoko Luyeyo

Lok pa lubanga ki lwongo ni “pala lucwan me cwiny.” Yecu bene ogwoke kekene ki I kom roro pa catan niwok ki ilok pa Lubanga, ma en aye loke ma tye (Matayo 4) ngeyo lok pa Lubanga piretek me gengo luyeyo ki ikom bura pa catan. Lwong lutino kwan me kwano ki *Jon 8:31-32*:

Bot Lujudaya ma guyee lkom ne, Yecu owaco ni, “Ka omoko iloka, ci wun lupwonye na adada, miyo obingeyo lok me ada, lok me ada bi gonyo wu.”

Bedo agonya ki ingo? Ki ibal, ariya, atema tema- jami weng ma buru kwo pa luyeyo manyen! Ci dong, watwero ngeyo ada nining? Niwok ki ikwano lok pa Lubanga.

NYWAK LOK MAN I DUL MA TINO TINO

- Ma calo Kanica, watye ka pwonye ilok pa Lubanga nining?
- Watye ka lwongo luyeyo manyen ka winyo, kwano ki nywako lok pa Lubanga ki wan?
- Tye yoo mukene ma watwero nonongo ki lok pa Lubanga ki dok watiyo kwede me cuku cwiny luyeyo manyen?

ODWOG CEN – *Lwong dul matino tino wek gunywak ki luwot gi*

Lok dogwa piwa kene bene pire tek!

Kwan Buk pa Jo Ipecu 4:29 ki Jo Ibru 10:24-25.

- Lok ma waa ki idogwa twero dongo niyee pa joo mukene nining?

NYWAKO LOK I DUL MA LAC

- Ngo ma itwero wacone ma twero cuku cwiny layeyu manyen?

Lok aluba bot lapwony: *Twero bedo gino mo calo “Lubanga wa ni aye tek loyo; gin mo peke ma tek loyo En.” Onyo “Omyero pe wa par gino moo; ento watwero lega.” Cuk cwiny dano weng me kati ki ginomo. Ka dong dano weng tye ki ginomo, ci wek lutino kwan weng gu aa malo ci ipeny lutino kwan ki acel acel owac jami adek ma gin gutamo ci gukati kwede.*

Tic Me Nyutu Mar Gwoko Luyeyo

Me agiki, neno wa madit I tucu jiri enayee, wek luyeyo manyen GUGAK lugen kun ginyako nyig niwok ki wot me cito ki Waco pi lok me kwena ma ber pa Rwot wa Yecu Kricito! Ci dong, Niyee pa layeyu twero dongo nining wek gin bene onyak nyig? Yecu poyo wii wa I Jiri pa Jon 15 ni, wan omyero wajenge ikom en:

“An abedo olok, wun ojange. Ka wubedo li an ki an iwun, ci obinyako nyig ma pol; pe utwero timo gin mo labongo an.”

Wan pe watwero timo gin mo labongo teko me lar pa Yecu! Ci dong, wan watwero dongo me bedo lutic ma lugen nining? Yecu kikome omiyo lagam man I Jon 15, tyenge 4 ki 10.

“Wubed I an, an bene I iwu. Ma calo jang olok pe twero nyak pire kene, kape tye ikom yate, kit meno wun bene pe wutwero ka pe wubedo I an.”

“**Ka wugwoko cika**, wubedo imarra, kit ma calo ceng agwoko cik pa abana, abedo I marre”

Winy kong doki kit ma Yecu owaco tyen adi ni “wubed” iwang tyeng ma wakwano ni! (*tyen abicel!*) Yecu Waco ni wan aromo bedo I en niwok ki gwoko cik mamege! En omede I tyenge (I tyenge 12, 17) me poyo wiwa ikom cike ni:

“Cika tye ni: **wumare kekenwu** kit ma calo amaro ki wun.... Cika tye ni **wumare kekenwu**.”

Wan watwero tiyo tic me tucu jiri kun wagwoko luyeyo manyen ki ikom bura pa catan nining wek **gubed** IRwot nining? Wa MAR gin! ki wan bene wacuk gin me MARO jo mukene!

- Kit tic me mar angoma kanica wu tye katiyo ne pi joo ma guloke manyen?
 - Kit tic angoma in kacel ki kanicawu tye ka timo ne ma wutwero lwongo luyeyo manyen me ribbe kwedwu?

Ka ipeke ki gin mo me acoya kany, ci myero icak kit tic mo ma weko dano dongo I niyegi, dongo pa dul kom Kricito, ki dongo pa luyeyo manyen I kabedo ma orumu wun. Yecu oparo me cokowa ka ce pe wubedo I En:

“Ka ngat mo pe bedo ii an, ci en bedocalo jang yat ma ka ki tongo, kibolo ci two woko; kit jang yat man kicoko kibolo I mac ci wang woko”

Eni aye pe agiki ma wamito nenone pi layeyo mo keken! Omyero wan wa ti tic ma gwoko wan kacel ki luyeyo manyen wek niyee wa odong.

- Kit tic me mar angoma in onyo kanica wu twero cako ne kacel ki luyeyo manyen?

Me Dolo ne

Gwoko luyeyo manyen pire tek tutwal wek gin gudong I wat maber ki Lubanga wek gubed I Yecu matwal. Ka wa weko kodi ma otwwi ni odong labongo gwok, twero too woko ki ikom bura ma aa ki ilobo. Iyoo acel kumano, luyeyo manyen gubi nongo tek me dongo I niyee ki ngeyo Yecu Kricito matut labongo lega, lok wa ki tic wa.

Ma kato weng, wan wajenge I kom Yecu pi dongwa ki pi kwo wa weng. Labongo En, pe watwero timo gin mo (Jon 15:5)! Wacuku dok wagedu luwot wa ilega, lok ki tic me nyutu mar wek odong I Yecu wek wanyak nyig mabub. Wii opo icike ne I buk pa Jon 15:11:

“Lok man atitiwu wek yomcwinya obed I iwu, wek opong ki yomcwiny!”

Pwony me 10: Tic Me Tucu Jiri Kayo Kac

Lok ma ditto dito

- Layeyo me ada nyako nyig!
- Kin paci wa tye atera pi kac.
- Ka watiyo tic me tucu jiri, wa ribe ilelo me kac!
- Ngat acel acel twero kati ki yub ma mege me jiri.

Jami ma mite pi pwonye.

- Buk me doro lutino kwan (Ma nonge iagiki me buk man) – lageng ki jami me tic – yub jami pwonye acel acel ci imi ki dano ma tye I dul weng.
- Karatac ki kalam me goyo yub me jiri ma meg.
- “jami me tucu jiri” Nonge I pwonye me angwen 4
- Karatac me coc/ Maka

Nyutu wii pwony

Kit ma calo dong watyeko pwonye ikom tucu jiri, dong wa ook I kare ma omyero wa ket ngec wa Itic. Pwony man tye me yubu wa me “Cito me loko jo ma pol me lubu kor Yecu” I KABEDO WA!

Nyako Nyig Cwalo Kare

I Baibol waneno jo mapol ma omoko tamgi pi doko lakricitayo oyotoyot. Ento pire tek ki wan ni wii wa opoo ni kadi bed jo mukene moko tam gi oyot oyot, ento jo mukene rii ka moko tamgi. Ket labole ikom nyig yat ma kipito I kabedo wu.

- Wac kong nying yat mogo ma nonge I kabedo wu.
- Cwalo kare ma romene nicake ki I kare me pito me ook wa ikare ma ki kwanyo kwede? Lagam obi poke nicake ki idwee me ook I mwaka.

Yat mukene rii ka nyako nyig gi, mukene nyak oyot, mukene bene pe penyako nyig gi matwal!! Pire tek ki wan me ngeyo ne ni, pe tute wa WENG obikelo adwogi/kac ma onongo wamito ni pi Yecu. Meno pe tyen loke ni tic wani konye peke. Ber pa cik ma Yecu owekoni bene tye botwa. Wamede ki kwan me nyiang ikom kac.

Poti Tye Atera pi Kac!

Yecu pwonyo ni tucu jiri obedo gin ma pe tum nino acel ma wan weng wabedo ki lelo iye. Wii opoo I lok kom dako La Camaria I dul pwonye me 6.

Kwan Jon 4:34-38.

- Anga ma tye ka lelo kacel? (*ngat ma okayo KI ngat ma ocoyo*)
- Man tito botwa ningo lok ikom tucu Jiri?
 - *Ka WAN WENG watucu jiri, WAN WENG walelo I kac. kadi bed tic wa obedo yubu ngom, coyo kodi, onyo kayo kac, WAN WENG wanongo gum me bedo luwiny itiyu tic me tucu jiri.*
 - *Lega wa, lok wa, ki tic wa, omyero CAWA WENG obed ka tic. (Kit ma calo lacoo kodi, ki la ka kac tiyo I cawa marom).*
- Ka tic me tucu jiri okelo luyeyo manyen, wan weng watwero nongo ber ne nining? (*cuk cwiny dano matye I dul me tamo jami maber ma bino calo adwogi pa bedo ki luyeyo madwong I kabedo wa..*)
- Kadi wamito nyo peke tic me tucu jiri kelo luyeyo manyen, tiyo tic enoni konyi nining? (*Mii cawa me nywako lok. Magi aye tam matwero bedo ikine: tego niyee wa, yubu wat matek ikin wa, medo yom cwiny, gwokowa ki ikom atema tema me kwowa, mede ki mukene.....*)

Wii omyero opo ni, tic me tucu jiri obitero mwaki ma pol bot jo mukene wek ocak nyako nyig, kun jo mukene obicako nyako nyigi cut. Man obedo tic pa cwiny maleng me moko ne, pe tic wa. Tic wa tye me ribo cingwa cawa weng kacel wek wan bene wanong gum pa Lubanga ikom kwowa!

TIC ATIMA I DUL MA TINO TINO

Yecu owaco ni," Yap wangi inen poto! Gitye atera pi kac!"

- "Poti man" gitye kwene I kabedo wa? (Nywak tam ikom kabedo ki jo mogo ma pwod pe kiok botgi ikabedo wu. *Kape coo gi ping ii karatac*).

Wacaku tic me tucu Jiri kombedi, kun wacako ki lega. I dul wu matino tinoni, wuleg ni Lubaga oyub poti ma tye I kabedo wu wek obed atera pi kac!!

Lok me aluba bot lapwony: Pok I ot kwan idul ariyo, ci imi botgi dano/ kabedo ma kiwaco pire I coc ma maloni. Wuleg I dul mamegwuni pi dakika 5.

Yube me cito

Ma pwod peya iaa ki iot kwan tin, wamito wamok ni ibiaa ma iyube pi tiyo tic me tucu jiri I kabedo ma orumo wa.

TIC ATIMA IDUL MA TINO TINO (DUL 3)

Lok aluba bot Lapwony: Yub dul 3. Pok karatac ma kiyubu con ma tye pingi. Dul acel acel obitiyo ikom **karatac** **acel** keken ma tye pingi.

Tic atima: I but karatac tung lacam, coo lageng ma wanonongo i kabedo wa ite wi lok madongo. Pe omyero imed lageng weng ma tye, ento coo ma ineno tye ka nwone mapol. I but karatac tung lacuc, yer ki ikin 'jami' ma twero weko waloyo lageng. Itwero bene tamo ci imedo tam mukene ma pe kicoyo con!

Dul 1: Lageng ma INGOM MATEK

Jami ma cung I yoo pa jo ma mito NYIANG ni gimito Lalar

LAGENG MA DONGO IYOO Matye I kabedo wa	JAMI me KWANYO Lageng ma dongo iyoo
Bal pa dano (Coo bal madongo ma tye I kabedo wu)	<i>Lega ki ... (kit me timo ne:coo wang jiri ma nyuto kit ma baibul loko kwede ikom ba ma iwaconi)</i>
Gopa pa catan (Coo gopa ma tye ikabedo wu)	<i>Lega ! ki...</i>
Lubu dini (coo lok mogo me dini ma gengo dano doko lakricitayo)	<i>Lega ! ki ... (tii ki wang jiri , me nyutu kit ma luyeyo tute kwede , ki mukene.)</i>
Bedo labongo ngecc	<i>Lega ! ki Kwan wang jiri...ki mukene.</i>
Ki mukene?	<i>Lega ! ki...</i>

Dul me aryo: lageng mabedo gweng gweng

Jami ma cung iyoo pa dano ma gengo gin JOLO Yecu calo Lalargi

Lageng mabedo gweng gweng ma nonge ikabedowa.	JAMI TIC me KWANYO GWENG
Lageng ma aa ki bot lutela dini ki lutela wii byee (coo kwayi lageng ma aa ki bot lutela dini ki lutela wii bye ma nonge I kabedo wa)	<i>Lega ! ki...</i>

Dic ma aa ki I kabedo ma orumu wa (<i>coo dic moge ma aa ki ikabedo ma orumuwa</i>)	<i>Lega ! ki...</i>
Lurem (<i>Coo labol pa lurem ma pe giye</i>)	<i>Lega !ki...</i>
Dic ma aa ki pacowa (<i>coo labol pa dic ma aa ki pacowa</i>)	<i>Lega ! ki...</i>
mukene? (<i>coo labol pa jami mabedo calo dic ki bot lupacowa</i>)	<i>Lega !ki...</i>

Dul me adek me 3: ariya ki Lageng me OKUTU KI DOO

Jami ma cung iyoo pa dono wek pe gucung ilare ki doko lutic pa Yecu

OKUTU / DOO Manonge I kabedo wa	Tools to REMOVE Weeds and Thorns
Peke pa dano ma miyo cwak ki kanica ma pe gicung ki dano ma olare nyen	<i>Lega ! ki...</i> (<i>anga ma myero ocuk dok ocung ki luyeyo manyen</i>)
Tim maraca ma ongiyo ikwo pa dano (<i>coo kit tim moge ma dano ongiyo kwede ma pe gitwero weko kadi gin gulare</i>)	<i>Lega ! ki...</i>
Tim macon/ kit macon (<i>coo kit tim moge ma tye ikwo pa dano con ma pud pe gulare ma nonge I kabedo wa , calo kwot, ki Waco goba, ki mukene.</i>)	<i>Lega ! ki...</i>
Para (<i>coo kwayi para mapatpat</i>)	<i>Lega ! ki...</i>
Miti maraco (<i>coo kwayi miti maraco</i>)	<i>Lega! ki...</i>
Ki mukene?	<i>Lega ! ki...</i>

DWOG CEN

Lok aluba bot lapwony: wek dul weng ki acel acel onywak lagam gi ki lutino kwan. Nywako tam man me cimo kamaleng jami madongo ma kiwacogi ki I kabedoni pi dul acel acel ma kicoyo piny. Mii kare ki lutino kwan me pongo lagam ii buk ma megii ci onyo guwek kwayi ngom magi matek, ngom ma gweng gweng ki ngom ma ki okutu ki meketo ne ikor ot lega kama nen wek dano guti kede kit mamite kede.

Kombedi Dong Wuciti!

Wa wek wii wa opor ki dok wanong tek cwiny ki ilok ki cike pa Yecu kikome botwa.

Kwan Matayo 28:19-20.

Ka iwinyo ni pwod peya itye atera me tiyo tic me tucu jiri, nong tek cwiny ki dong imok ki lok pa Yecu muwaco me agiki kany ni, "Adada awaciwu ni atye kacel kwedwu, wa I agikime kare." Yecu En Ki kome- En ngat acel ma tye ki twero WENG ii polo wa ii ngom- ocike ni ibibedo kwedwa!

- Ka itye ki lwo ro mo me tiyo tic me tucu jiri, itwero nywako ne kwedwa? Wabilego ni Cwing maleny omyero omini diyo cwiny ki teko. (Mii kare moo me nywako tam ki lega)

LWODO LOK MAN KI KETO NE I KWONI KI GOYO YUB MAMEGI – GOYO YUB ME TUCU JIRI MAGI

Yecu omiyo ki wan twero me cito! Wuyube dok otem bene ikin pwonye ma I buk man kit me tiyo tic me tucu jiri kun nongo iwoto ki lega, lok ki tic. Kombedi, go yub mamegi!

Cwal dakika 5-10 keni pi goyo yub ma megii.

1. Tam pi kabedo onyo ngato mo acel ma iwinyo ni Lubanga twero lwongi ka nywako jiri kwede.
2. Wii opor I kom ngom, ci itam ni ngom mene ma twero cung maber pi ngat enoni onyo kabedo enoni.
3. Tam pi ariya mo ma in ingeyo I kwo pa dano onyo I kabedo mano.
4. Me agiki, coo jami tic me tucu jiri (Kwany ki I pwonye me 4, onyo mukene) ma Lubanga tye ka penyi ni iket itic ki dano onyo ikabedo meno.

TIC ATIMA I DUL MA TINO TINO

Nywak yub ma megii I dul ma romo dano 3-4. OCuk cwinywu kekenwu ki tam kit ma wutwero tiyo tic me tucu jiri maber loyo ki dano enoni onyo I kabedo enoni KACEL. Gik nywako tam I dul mamegwu ki lega pi jo onyo kabedo ma Lubanga twero lwongi ni icit ii iye.

Ngiyo kore

Wa cwalo kare ma lac me pwonyo kit me tucu jiri. Wacwalo kare mo manok wek wii wa opor ki dong wanywak malongo ngo ma wa pwonyo.

Nywak ki Lutino kwan:

- Gino mo manyen ma ipwonyo.
- Gino mo ma imaro.
- Gino mo ma otemo niyee ni onyo tami ikom tucu jiri.
- Gino mo ma onongo tiyo ne tek.
- Gino ma pire tek loyo ma wii obi por ki ibuk man.

Me Dolone

Wan lutuc jiri! Yecu En kikome omiyo ki wan labol kit me tiyo tic me tucu jiri ni wok ki ilok ki tic. Kabedo wa dong tye atera me kac! Wa ngeyo ni watye ka ribe I tic pa Cwiny maleng me kayo kac ma en aye luyeyo manyen, ki Yecu En kikome tye kedwa kare weng!

Me agiki, bed ki tek cwiny dok idong ki tek cwiny I tic me tucu jiri ki lok pa Paulo magi:

“Ento dano bikok bote nining ma pe guye En?

Gi twero yee En nining kono k ape guwinyo lok ma gitito ikome?

Gi twero winyo lok ikome nining ka ngat mop e ma tito loke botgi?

Dano gitwero tito lok nining k ape kiorogi?

Kit ma calo yam kicoyo ni,” “nenon” tyen gi ber romene jo ma kelo lok me kwena maber!”


Citu dong! Ci wunywak lok me Kwena maber me jiri pa Yecu kricito niwok ki ilok wu ki tic wu!

BUK ME PWONYE PA LUTINO KWAN

Lok Aluba Bot Lapwony:

- Pwonye me 2: Coyo caden ma megwa – Rud dok inya madwong pi dano weng.
Pwonye me 10: Lageng ki Jami tic – rud acel jami me pwony weng dok imii acel acel
ki dul weng

Coyo Caden Ma Mega



Kwany kare me nenone kit ma yoo magi tye tiyo kwede ikwo ni. Tii ki kare man me gamo lapeny piri keni wek iyube me nywako ododo mamegi ki lutino kwan mukeneni pi dakika mo manok.

1. Ngeyo Miti Na Pi Lalar

2. Jolo Yecu Calo Lalar Na.

3. Dong/Bedo Lalub Kor Yecu Ma Lagen

Lageng ki Jami tic

Dul me 1: lageng /ariya me NGOM MATEK

Ariya nyo lageng ma cung iyoo pa dano weko pe NYIANG ni imito Yecu calo Lala gi

ARIYA NYO LAGENG ma weko dano bedo ma cwiny gi tek me jolo Yecu ma nonge ikin paciwa	JAMI ME TIC ME kwanyo ariya mea gengo dano jolo Yecu
Bal pa dano (coo kwayi bal ma patpat ma dano timo ikabedowu)	<i>Lega! ki... (kit me timone: coo wang jiri ma nonge baibul ma loko ikom bal ma ki Waco ni)</i>
Goba pa Catan (coo kwayi goba mapatpat ma noge ikabedo ma orumuwa)	<i>Lega! ki...</i>
Lubo dini (coo kwayi lok mogo me dini ma gengo danoki idoko Lakricitayo)	<i>Lega! ki... (tii ki wang dul, nyutgi bot jo ma tye ki ayela yela maromrom, ki mukene.)</i>
Bedo peke ki ngec	<i>Lega! ki... Kwan wang jiri...ki mukene.</i>
Ki mukene?	<i>Lega! ki...</i>

Lgeng / Ariya ki Jami tic

Dul me aryo: Ariya me gweng gweng

Jami ma cung calo lageng iyoo pa dano me Jolo Yecu calo Lalargi

GWENG GWENG Matye ikabedowa	Jami tic me kwanyo gweng magi
Ariya ma aa ki bot lotela dini ki luteal wii bye (coo ariya ma aa ki bot luteal dini ki wii bye ikabedo wa)	<i>Lega ! ki...</i>
Dic ma aa ki ikabedo wa (coo kodi dic man ma nonge ikabedo wa)	<i>Lega! ki...</i>
Lurem (coo lok me dic ma aa ki bot lurem)	<i>Lega !ki...</i>
Dic ma aa ki paco (coo kwayi dic ma aa ki bot lupacowa)	<i>Lega !ki ...</i>
Mukene? (coodic mogo ma aa ki ikacoke)	<i>Lega !ki...</i>

Ariya nyo lageng ki jami me tic

Dul me adek: ariya me OKUTU KI DOO

Jami ma cung iyoo pa dano weko pe gi cung ilaa dok pe gidoko lutic pa Yecu ma lugen

OKUTU/ DOO Manonge I kabedo ma orumuwa	JAMI TIC ME KWANYO DOO KI OKUTU
Peke pa joo ma miyo cwak nyo peke pa kanica ma gicung ki luyeyo manyen	<i>Lega!ki ...</i> <i>(Anga ma myero omii cwak)</i>
Ngiyo marac ki tim me bal <i>(coo kit kwayi bal ma dano ongiyo kwede ma pe gitwero weko)</i>	<i>Lega! ki ...</i>
Tim /kit macon <i>(coo kwayi tim/kit mogo macon manonge I kabedo wu, macalo, kwot, loko goba ki mukene.)</i>	<i>Lega !ki ...</i>
Para <i>(coo kwayi para mapatpat ma nonge ikabedowa)</i>	<i>Lega !ki...</i>
Miti marac <i>(cookwayi miti maraca mapatpat)</i>	<i>Lega! ki...</i>
Ki mukene?	<i>Lega ! ki...</i>